

四庫全書

經部

欽定四庫全書

經部  
書傳會選卷五

詳校官給事中臣王鍾健

通政使司副使臣莫瞻蒙覆勘

總校官編修

臣王燕緒

校對官中書

臣高 中

謄錄監生

臣施 華

欽定四庫全書

書傳會選卷五

明 劉三吾等 撰

召誥

左傳曰武王克商遘九鼎于洛邑史記載武王言我南望三途北望嶽鄙顧瞻有河粵瞻

洛伊母遠天室營周居于洛邑而後去則宅洛者武王之志周公成王成之召公實先經理之洛邑既成成王始政召公因周公之歸作書致告達之於王其書拳拳於歷年之久近反復乎夏商之廢興究其歸則以誠小民為祈天命之本以疾敬德為誠小民之本一篇之中屢致意焉古之大臣其為國家長遠慮益如此以召公之音釋經

召實傳

三途左傳註三途山名在河南陸渾縣南輿地廣  
記云今河南府伊闕縣嶽鄆史記索隱云嶽謂河  
北太行鄆謂都鄆近嶽之地粵  
音越復音覆誠音咸其為去聲

惟二月既望越六日乙未王朝步自周則至于豐

日月相望

謂之望既望十六日也乙未二十一日也周鎬京也去  
豐二十五里文王廟在馬成王至豐以宅洛之事告廟

也惟太保先周公相宅越若來三月惟丙午肫越三日

戊申太保朝至于洛卜宅厥既得卜則經營

成王在豐使召公先

周公行相視洛邑越若者發語辭肫孟康曰月出也三  
日明生之名戊申三月五日也卜宅者用龜卜宅都之  
地既得吉卜則經營規度其  
音釋經肫先見反相去聲  
城郭宗廟郊社朝市之位

反戊音傳度達各反越三日庚戌太保乃以庶殷攻位

于洛汭越五日甲寅位成

庶殷殷之衆庶也意是時殷民已遷于洛矣自戊申至庚

戌太保乃以殷之衆庶攻治其祖社朝市之位于洛之汭自庚戌至甲寅經營規度凡左祖右社前朝後市之位莫不音釋傳朝馳若翼日乙卯周公朝至于洛則達

觀于新邑營

明日周公至洛則徧觀召公于新邑所經營之事

越三日丁巳用

牲于郊牛二越翼日戊午乃社于新邑牛一羊一豕一

郊祭天地也自乙卯至于丁巳凡三日周公乃以牛二祭天地又以牛一羊一豕一祭新邑之社皆以營洛也

越七日甲子周公乃朝用書命庶殷侯甸男邦伯

書役也

自戊午至甲子凡七日周公乃朝用役書命庶殷及侯甸男三服諸侯之長皆戒集以營洛也厥既命

殷庶庶殷丕作

丕作者言皆趨事赴功也殷之頑民若未易役使而作邑之事雖曰艱大周公

既命殷之衆庶則衆庶罔不趨事赴功而大有作為焉

太保乃以庶邦冢君出取

幣乃復入錫周公

已上自惟二月既望至此乃史臣叙召公營洛邑會庶殷陳祀事之辭初

周公至洛恒疑庶殷之反側而懷貳于周然庶殷之與侯甸男邦伯盡心竭力奔走服事乎周者皆召公之所知而信之者也故於此乃以庶邦冢君出取其幣乃復入錫周公為贊見之禮所以陳庶殷之情以釋周公之疑

也音釋經

復扶又反

曰拜手稽首旅王若公誥告庶殷越自

乃御事嗚呼皇天上帝改厥元子茲大國殷之命惟王

受命無疆惟休亦無疆惟恤嗚呼曷其奈何弗敬

拜手稽首

者召公叙贄見周公之禮而將欲有言以動周公之聽也旅王若公者所以陳贄見之誠以見王與周公事同一體言之於公即所以言之於王也今誥告庶殷及治事之臣而上之命下下之告上相語如此則庶殷豈不知所自哉故歎息而言曰皇天上帝既改其元子及此大國殷之命庶殷復何所恃也我周王既受天命固有無疆之美矣亦有無疆之憂故又歎息而言庶殷其曷敢弗敬而不臣服於我周焉此召公所以釋周公之疑者也

天既遐終大邦殷之命茲殷多先哲王在天越厥後王後民茲服厥命厥終智藏瘝在夫知保抱攜持厥婦子以哀籲天徂厥亡出執嗚呼天亦哀于四方民其

眷命用懋王其疾敬德

天既遠絕此大邦殷之命不可再造矣而殷之多先哲王精爽

之在天者雖欲救其喪亡而不可蓋以其後嗣子孫及其後民弗恤無疆惟休之命至於其終賢智之人不得在位而退隱于野病民者僥倖在官而天下之人知保抱攜持其婦子哀呼于天以訴無辜其往而亡者又執之而使無所容至於道非怨增故又歎息而言曰天心亦哀于四方民是以眷命用歸于勉德者此我周文武之所以興今王其能疾於敬德則天音釋經療如還反眷亦在是矣孰謂殷民之有異心乎解當音扶陸音如字王肅云傳呼去聲相古先民有夏天匹夫也孔疏云猶言人人也

迪從子保面稽天若今時既墜厥命今相有殷天迪格保面稽天若今時既墜厥命今冲子嗣則無遺壽考曰



其稽我古人之德矧曰其有能稽謀自天

已上自曰拜手稽首至此

乃召公因周公有忌于庶殷代殷民分訴之辭相視也  
視古之先民有若夏禹天罔啓迪之既順從其傳子而  
保祐之矣禹也面考天心觀其向背順承不違宜若可  
求保矣今其後嗣子孫弗克世守其業亦既隳絕其命  
今視殷湯天亦啓迪之久使其格正夏命而保祐之湯  
復面考天心觀其向背順承不違宜若可求保矣今其  
後嗣子孫弗能繼承其業亦既隳絕其命今王雖幼嗣  
守文武之大業凡壽筭老成之士悉用之而無遺棄者  
以其能考我古人之德而於事有所稽況其能稽謀自  
天而於理無所違召公歷言天眷之不可恃者如此所  
以明庶殷之無異心  
以釋周公之疑也  
音釋經相去聲  
鳴呼有王雖小元

子哉其不能誠于小民今休王不敢後用顧畏于民罔

王來紹上帝自服于土中

此召公為殷民而言所以寧周公之心故又歎息而言王

雖幼冲乃天之元子代天理物任大責重如此其大能誠和小民使無一不得其所為今日之休美王當不敢緩於德汲汲焉如有所不及用顧畏于民情之若險顧畏者顧視其暑險不敢頃刻忘乎敬畏之心也今王來此新邑繼天出治當自服行教化于此上音釋經後句中蓋以紹為天元子任代天理物之意也絕暑

魚緘反險也

旦曰其作大邑其自時配皇天祀于上下其

自時中又王厥有成命治民今休王先服殷御事比介

于我有周御事節性惟日其邁王敬作所不可不敬德

周公因召公之言有喻於心乃言曰其作大邑于茲土中者其自是以對越上帝敬祀上下神祇自是可以宅

中國治庶幾王其有天成命治民今即休美矣然王之治當先服殷治事之臣以親近副貳我周治事之臣使其漸染薰陶相觀為善以節制其驕淫之性則我惟日加巡邁警覺提撕以督責之使日進於善而已王其可不以敬為所處之所動靜語默出入起居無頃刻而不敬乎德也益以答上章庶殷曷其奈何弗敬之語音

釋經

治平聲此毗至反

傳

出治去聲下同治平聲近巨斯反漸將庶反處去聲

我不可不

監于有夏亦不可不監于有殷我不敢知曰有夏服天

命惟有歷年我不敢知曰不其延惟不敬厥德乃早墜

厥命我不敢知曰有殷受天命惟有歷年我不敢知曰

不其延惟不敬厥德乃早墜厥命

夏殷歷年長短所不敢知我所知者惟不

敬厥德即隆其命也此反覆極言天眷之不足恃而敬德之不可緩者如此

音釋經

監音鑒下同

今王嗣受厥命我亦惟茲二國命嗣若功王乃初服嗚呼若生子罔不在厥初生自貽哲命今天其命哲命吉

凶命歷年知今我初服宅新邑肆惟王其疾敬德王其

德之用祈天永命

周公又言今王繼受天命我亦惟此夏商之命當繼嗣其有功能敬德而

歷年者況王乃新邑初政服行教化之始乎故人歎息而言王之初服有若生子無不在初生之時初生為善則習與性成而自貽其哲命矣今天其命王以哲乎命以吉凶乎命以歷年乎皆不可以預知之也所以知者在今我服行之初如何爾初服而敬德則是自貽哲命而吉與歷年矣今既宅是新邑王其疾於敬德家可緩

乎王其德之用而  
祈天以歷年也

其惟王勿以小民淫用非彝亦敢殄

戮用乂民若有功其惟王位在德元小民乃惟刑用于

天下越王顯上下勤恤其曰我受天命丕若有夏歷年

式勿替有殷歷年欲王以小民受天永命

已上自旦曰其作大邑至

此乃周公聞召公之言心有未然故歷言以答之今王  
當謹去刑罰其勿以小民遇用非法之故亦敢於殄戮  
用治之若有功者其惟王位在於有冠天下之德以居  
天下之上能令小民皆儀刑用德于下則王之德益以  
顯矣故君臣上下當同此憂勤以恤乎民其相期之意  
若曰我周受命當監視夏殷所享之年夏歷年四百則  
大而過之殷歷年六百則取法而勿替之益欲兼夏殷  
歷年之永也所以如此者無非欲王以小民為受天永

命之本耳此蓋答召公無疆惟休亦無疆惟恤之意拜手稽首曰予小臣敢以王

之讐民百君子越友民保受王威命明德王末有成命

王亦顯我非敢勤惟恭奉幣用供王能祈天永命

此召公聞

周公之言心亦有未然而復以此答之乃拜手稽首致意以言曰我小臣敢以殷之頑民及庶士御事及我周友順之民作此新邑以保受王威命明德王當終有成命以顯于後世我非敢以此為勤惟恭奉幣用供於

王以祈天音釋經奉如字又音永命而已

捧供音恭

洛誥

洛邑既定周公遣使告卜史氏錄之以為洛誥又并記其君臣答問及成王命周公留治

洛之事今文古文皆有按周公拜手稽首以下周公授使者告卜之辭也王拜手稽首以下成王授

使者復公之辭也王肇稱殷禮以下周公敎成王宅洛之事也公明保于沖子以下成王命公留後治洛之事也王命子來以下周公許成王留洛君臣各盡其責難之辭也俘來以下成王錫命毖殷命寧之事也戊辰以下史又記其祭祀冊誥等事及周公居洛歲月久近以附之以見周公作洛之始終而成王舉祀發政之後即歸于周而未嘗都洛也陳氏櫟曰此篇大可疑者惟有周公告王宅洛行祀出命之辭而不載王至洛之事與其日月其脫簡無疑且孺子其朋及汝惟沖子惟終等處聲牙難通上下不續又王曰公功棐迪篤之下無周公答辭而即繼以王曰豈非此等處有脫簡耶細詳之

音釋傳

使去聲下同并去聲治平聲後凡言治洛倣此見形句反

周公拜手稽首曰朕復子明辟

此下周公授使者告卜之辭也拜手稽首者史

記周公遣使之禮也復如逆復之復成王命周公往營  
成周周公得卜復命于王也謂成王為子者親之也謂  
成王為明辟者尊之也周公相成王尊則君親則兄之  
子也明辟者明君之謂先儒謂成王幼周公代王為辟  
至是反政成王故曰復子明辟夫有失然後有復武王  
崩成王立未嘗一日不居君位何復之有哉蔡仲之命  
言周公位冢宰正百工則周公以冢宰總百工而已豈  
不彰彰明甚矣乎王莽居攝幾傾漢鼎皆儒者有以啓  
之是不可辨音釋經辟必蓋反傳使去聲下同復逆復謂  
以不辨音機王如弗敢及天基命定命予乃脩保大相東

土其基作民明辟

凡有造基之而後成成之而後定基命所以成始也定命所以成終也言

成王幼冲退託如不敢及知天之基命定命予乃繼太保而往大相洛邑其庶幾為王始作民明辟之地也洛



邑在鎬京東  
故曰東土

音釋經

相去聲

予惟乙卯朝至于洛師我卜

河朔黎水我乃卜澗水東瀍水西惟洛食我又卜瀍水

東亦惟洛食俘來以圖及獻卜

乙卯即召誥之乙卯也洛師猶言京師也河朔

黎水河北黎水交流之內也澗水東瀍水西王城也朝會之地瀍水東下都也處商民之地王城在澗瀍之間下都在瀍水之外其地皆近洛水故兩云惟洛食也食者火先定墨而灼龜之兆正食其墨也俘使也圖洛之地圖也獻卜獻其卜之兆辭也史氏漸曰世或謂周公三卜而後及洛初於黎水再於澗東瀍西入於瀍東皆不若洛之吉豈知澗瀍之東西即洛之中也澗水之東即洛之偏也同名為洛而王城頑民之居不同非洛自洛澗瀍自澗瀍也洛邑居天下之中伊洛澍澗實周流於其間天子南嚮則澗水在洛之右瀍水在洛之左周

公於澗瀍之中卜而告吉遂營王城以建王宮定郊社宗廟是為邾邾今之河南是也人循之左越瀍水之東卜復告吉遂營下都名曰成周又曰東郊以居殷民今洛陽是也二城相距蓋十有八里呂氏曰周公欲宅洛而先卜黎何也蓋卜都主於遷殷民黎地近紂都意在近者殷民之心意在地中者周公之心周公不以獨見違衆故列二說以聽於天卜黎於先乃先人後己之心也黎既不吉卜洛乃吉蓋周公之心與天一也音

釋經

瀍音厘 仵補耕反

王拜手稽首曰公不敢不敬天之休來

相宅其作周匹休公既定宅仵來來視予卜休恒吉我

二人共貞公其以予萬億年敬天之休拜手稽首誨言

此言授使者復公之辭也王拜手稽首者成王尊異周公而重其禮也匹配也公不敢不敬天之休命來相宅

為周匹休之地言卜洛以配周命於無窮也視示也示  
我以卜之休美而常吉者也二人成王周公也貞猶當  
也十萬曰億言周公宅洛規模宏遠以我萬億年敬天  
休命故又拜手稽首以謝周公告卜之誨言仁山金氏  
曰此成王答謝周公之辭自此以後漸不可曉蓋不知是何時所  
宅洛之事朱子云自此後漸不可曉蓋不知是何時所  
言陳氏曰十萬曰億蔡氏於秦誓注云百萬曰億韋昭  
注國語云十萬曰億古數也秦改制始以萬萬曰億故  
毛氏注詩禾三百億曰萬萬億而孔疏及今九章算術  
皆以萬萬為億今解尚書合主古數十萬曰億之說百  
萬為億未  
見所本

### 音釋經

相去聲視與示通下  
丕視同恒胡登反

### 傳

使去

### 周公曰

王肇稱殷禮祀于新邑成秩無文

此下周公告成王宅  
洛之事也殷盛也與

五年再殷祭之殷同秩序也無文祀典不載也言王始  
舉盛禮祀于洛邑皆序其所當祭者雖祀典不載而義

當祀者亦序而祭之也呂氏曰定都之初肇舉盛禮大饗羣祀雖祀典不載者咸秩序而祭之有告焉有報焉有祈焉始建新都昭假上下告成事也雨暘時若大役以成報神賜也自今以始永奠中土祈鴻休也後世不知祭祀之義鬼神之德觀周公首以祀于新邑為言若濶於事情者抑不知人主臨鎮新都之始齊被一心對越天地達此精明之德放諸四海無所不準而助祭諸侯下逮胞翟之賤亦皆有孚顒若收其放而合其雌蓋格君心萃天下之道莫要於此宜周公以為首務也陳氏曰王氏謂此殷禮疑即篇末十二月戊辰之祭史述其語於前而記其事於後也竊意十二月之祭不過以周公留治洛之事就冬烝以告之大武耳此曰殷禮曰秩無文乃非常盛禮豈十二月特牛之祀足以當之三月後至十一月王必嘗親至洛行大祀禮受大朝賀發大號令今音釋經稱平傳五年再殷祭見公羊傳文公脫去矣

衿五年禘假音格齊音齋祓數勿反放甫兩反下如字  
胞翟上蒲交反與庖通下音狄祭統云胞者肉吏之賤

者也翟者樂吏之賤者也予齊百工倅從王于周予惟曰庶有事公周

言予暨齊百官使從成王于周謂將適洛時也予惟謂  
之曰庶幾其有所事乎公但微示其意以待成王自教

詔之也今王即命曰記功宗以功作元祀惟命曰汝受命

篤弼功宗功之尊顯者祭法曰聖王之制祭祀也法施  
於民則祀之以死勤事則祀之以勞定國則祀之以

能禦大災則祀之能捍大患則祀之蓋功臣皆祭於大  
烝而勲勞之最尊顯者則為之冠故謂之元祀周公教

成王即命曰記功之尊顯者以功作元祀矣又惟命之  
曰汝功臣受此褒賞之命當益厚輔王室益作元祀既

以慰答功臣而又勉其左音釋傳冠古玩反左不視功  
右王室益圖久大之業也音釋傳右音佐佑

載乃汝其悉自教工

正大視示也功載者記功之載籍也大視功載而無不公則百工效

之亦皆公也大視功載而或出於私則百工效之亦皆私也其公其私悉自汝教之所謂乃汝其悉自教工也

上章告以褒賞功臣故戒其大視功載者如此

音釋經

戴作代反

孺子其朋孺子其

朋其往無若火始燄燄厥攸灼叙弗其絕

孺子雅子也明比也上文

百工之視傲如此則論功行賞孺子其可少徇比黨之私乎孺子其少徇比黨之私則自是而往有若火然始雖燄燄尚微而其灼爍將次第延燕不可得而撲滅矣言論功行賞徇私之害其初甚微其終至於不可遏絕所以嚴其辭而禁之於未然也陳氏櫟曰自此以下必有脫誤如二孺子句及灼叙等語皆不可曉與上下文意本不相貫

音釋經

燄以瞻以冉二反

傳

少始紹反此毗至反燄式約反莫如劣反

也燒

厥若彛及撫事如予惟以在周工往新邑平嚮即有

僚明作有功惇大成裕汝求有辭

其順常道及撫國事常如我為政之時惟

用見在周官勿參以私人往新邑使百工知上意嚮各就有僚明白奮揚而赴功惇厚博大以裕俗則王之休

聞亦永有辭于後世矣陳氏大猷曰彛典常也撫者順而安之之謂人君之待臣下在於報功以勸之正已以

教之教工之道在於去朋比順典彛而法周公也仁山金氏曰觀于齊百工伴從王子周及惟以在周工往新

邑當是周公率百官迎王子周以往洛之辭

音釋經

嚮音

傳

見形向反

公曰

已汝惟冲子惟終

周之王業文武始之成王當終之也此上詳於記功教工內治之事此下

則統御諸侯教養萬民之道也

音釋傳

治平

汝其敬識百辟享亦識其

有不享享多儀儀不及物惟曰不享惟不役志于享凡

民惟曰不享惟事其爽侮

此御諸侯之道也百辟諸侯也享朝享也儀禮物幣也諸

侯享上有誠有偽惟人君克敬者能識之識其誠於享者亦識其不誠於享者享不在幣而在於禮幣有餘而禮不足亦所謂不享也諸侯惟不用志於享則國人化之亦皆謂上不必享矣舉國無享上之誠則政事安得不至於差爽僭侮廢王度而為叛亂哉人君可不以敬存心辨之於早察之於微乎呂氏曰王者御諸侯不以識其向背之情則忠佞不分賞罰紊而操柄失矣然所以識之者非任智用術亦曰敬而已敬則是心常存無受憎之私故能識其享與不享也陳氏櫟曰此因將往新邑受諸侯朝享而言亦因召公取諸侯之幣以旅王而

言也音釋傳

朝馳通反

乃惟孺子頒朕不暇聽朕教汝于棗民



彛汝乃是不覆乃時惟不求哉篤叙乃正父罔不若予  
不敢廢乃命汝往敬哉茲予其明農哉彼裕我民無遠

用戾

此教養萬民之道也頌朕不暇未諱或曰成王當  
頒布我汲汲不暇者聽我教汝所以輔民常性之

道汝於是而不勉焉則民彛混亂而非所以長久之道  
矣正父武王也猶今稱先正云者篤者篤厚而不忘叙  
者先後之不察言篤叙武王之道無不如我則人不敢  
廢汝之命矣呂氏曰武王沒周公如武王故天下不廢  
周公之命周公去成王如周公則天下不廢成王之命  
戾至也王往洛邑其敬之哉我其退休田野惟明農事  
蓋公有歸老之志矣彼謂洛邑也王於洛邑和裕其民  
則民將無遠而至焉陳氏櫟曰此一節除汝往敬哉茲  
予其明農哉二句外餘當缺之味此二句可見公時在  
鎬歟王往新邑而已將退老也此章之下當必有公從

王至新邑舉祀發命之事而今缺矣

音釋經

慶謨郎反

王若曰公明保予沖子

公稱丕顯德以予小子揚文武烈奉答天命和恒四方

民居師

此下成王答周公及留公也大抵與上章參錯相應明顯明之也保保祐之也稱舉也和者使

不乖也恒者使可久也居師者宅其衆也言周公明保成王舉大明德使其上之不忝於文武仰不愧天俯不

忤人也陳氏櫟曰此王既至洛祀後與公言將留公治洛先叙述公之功德以慰藉之也音釋經

聲下 惇宗將禮稱秩元祀咸秩無文

宗功宗之宗也下文宗禮同將大也

陳氏櫟曰此蓋王迷已行之事之辭即答公所謂王肇稱殷禮祀予新邑咸秩無文也

惟公德明

光于上下勤施于四方旁作穆穆迓衡不迷文武勤教

予沖子夙夜毖祀

旁無方所也。因上下四方為言。穆穆和敬也。逌迎也。言周公之德昭著於

上下勤施于四方。旁作穆穆以迓治乎不逮。失文武所勤之教於天下。公之德教加於斯。猶如此。予沖子夫何為哉。惟早夜以謹祭祀而已。蓋成正知周公有退休之志。故示其所以留之之意也。

**音釋傳**

治去聲。夫

音扶王曰公功棐迪篤罔不若時

言周公之功所以輔我。啟我者厚矣。當常如是。

未可也

王曰公子小子其退即辟于周命公後

此下成王留周

公治洛也。成王言我退即居于周。命公留後治洛。蓋洛邑之作。周公本欲成王遷都以宅天下之中。而成王之意則未欲捨鎬京而廢祖宗之舊。故於洛邑舉祀發政之後。即欲歸居于周。而留周公治洛。謂之後者。先成王者。辭猶後世留守留後之義。先儒謂封伯禽以為魯後者。非是。攷之費誓。東郊不開。乃在周公東征之時。則伯

禽就國益已久矣下文惟告周公其後其字之義益可見其為周公不為伯禽也陳氏櫟曰此成王自言其退即辟于周味退之一辭則王時進在洛邑言故以還歸宗周為行祀發政將還鎬京據身在洛邑言故以還歸宗周為退先儒於此皆忽之故不敢質

**音釋傳**

為去聲下同

**四方迪**

亂未定于宗禮亦未克救公功

宗禮即功宗之禮也亂治也四方開治公之功

也未定功宗之禮故未能救公功也救功者安定其功之謂即下文命寧者也

**音釋傳**

治去聲

將其後監我士師工誕保文武受民亂為四輔

將大也周公居

洛啓大其後使我士師工有所監視大保文武所受於天之民而治為宗周之四輔也漢三輔蓋本諸此今按先言啓大其後而繼以亂為四輔則命周公留後於洛明矣仁山金氏曰此成王在新邑將歸周命周公留後

治洛  
之辭

音釋經

監音

傳

治平

王曰公定予往已公功肅將

祇歡公無困哉我惟無數其康事公勿替刑四方其世

享

定爾雅曰止也成王欲周公止洛而自歸往宗周言

慰憚人心毋求去以困我也我惟無厭其安民之事公

勿替所以監我士師工者四方得以世世享公之德也

釋經

公無與母  
通教音亦

周公拜手稽首曰王命予來承保乃文

祖受命民越乃光烈考武王弘朕恭

此下周公許成王  
留洛事也來者來

洛邑也承保乃文祖受命民及光烈考武王者答誕保  
大武受民之言也責難於君謂之恭弘朕恭者大其責

難之義也。孺子來相宅其大惇典殷獻民亂為四方新辟作

周恭先曰其自時中又萬邦咸休惟王有成績典章也殷獻

民殷之賢者也言當大厚其典章及殷之獻民益文獻者為治之大要也亂治也言成王於新邑致治為四方

新主也作周恭先者人君恭以接下去以恭而倡後王也公又言其自是宅中國治萬邦咸休美則王其有成

績矣此周公以治洛之效望之成王也音釋經相去傳治去聲下三治字

聲予旦以多子越御事篤前人成烈答其師作周孚先

考朕昭子刑乃單文祖德多子者衆卿大夫也唐孔氏曰子者有德之稱大夫皆稱

子師衆也周公言我以衆卿大夫及治事之臣篤厚文武成功以答天下之衆也孚信也作周孚先者人臣信

以事上以信而倡後人也考成也昭子猶所謂明辟也  
親之故曰子刑儀刑也單殫也言成我明子儀刑而殫  
盡文王之德蓋周公與羣臣篤前人成烈者所以成成  
王之刑乃殫文祖德也此周公以治洛之事自效也仁  
山金氏曰此以上周公許  
王留洛之辭且君臣相勉

**音釋**

經單與殫同傳治平聲下同

佅來毖殷乃命寧予

絕句

以秬鬯二卣曰明禋拜手稽首

休享

此謹毖殷民而命寧周公也秬黑黍也一稊二米和氣所生鬯鬱金香草也卣中尊也明潔禋敬也

以事神之禮事公也蘇氏曰以黑黍為酒合以鬱鬯所以裸也宗廟之禮莫盛於裸王使人來戒軟庶殷且以秬鬯二卣綏寧周公曰明禋曰休享者何也事周公如事神明也古者有大賓客以享禮禮之酒清人渴而不飲肉乾人饑而不食也故享有體薦  
豈非敬之至者則其禮如祭也歟

**音釋**

經秬白許反  
鬯廿亮反

音由禋音因傳稌芳無反穀皮也按爾雅秬黑黍稭亦

是黑黍之大名秬則黑黍中之一稌二米者但孔傳及

說文皆言秬一稌二米也鬱金按周禮鬯人掌供秬鬯

注云秬鬯不和鬱者又鬱人和鬱鬯以實彘注云彘鬱

金糞之以和鬯酒是鬱為草名而秬鬯鬱鬯皆酒名也

者以其調暢也此經文但言秬鬯則是未和鬱者自中

尊爾雅孫炎注云尊以彘為上彘為下自居中郭璞云

在彘彘之間即犧象壺著大山等六尊是也未祭則秬

鬯盛於自及祭則鬱鬯實於彘肉乾音干語見禮記聘

義體薦謂半解其體予不敢宿則禋于文王武王陳氏

而薦之亦謂之房烝櫟曰

宿如不宿肉君言不宿於家之宿言不敢越宿惠篤叙

也禋祭名周公不敢受此禮而祭於文武也

無有遘自疾萬年厭于乃德殷乃引考此祭之祝辭周

公為成王禱也



惠順也。篤敘與篤敘，乃正父同。順篤敘，文武之道身其  
康強，無有遘遇，自罹疾害者。子孫萬年，厭飽乃德殷人。

亦求壽。  
**音釋經**  
遘居候反。厭於飽反。  
**傳**  
為去聲。  
**王伋殷乃承敘萬年**

其求觀朕子懷德。  
承敘萬年其求觀法我孺子而懷其

德也。蓋周公雖許成王留洛，然且謂王伋殷者，若曰：遷  
洛之民，我固任之。至於使其承敘萬年，則實繫于王也。

亦責難之意，與召誥末用供王能祈天永命語脉相類。陳  
氏櫟曰：自伋來，迄於至此，乃王歸鎬，後使人來勞周公。

公因祭文武而全載其祝辭，曰：明禋拜手稽首，休享者。  
述王命使之辭也。惠篤敘至朕子懷德，此祝辭全文。蔡

氏分為二節，似不以末二句為祝辭。何也？惠篤敘至朕  
子乃德，此公自致禱祝之辭也。殷乃引考至朕子懷德，

此公為王禱祝之辭也。雖曰祝辭，然禱祝之中有規。  
勉之意，末二句歸重於王，非徒徵福於先王而已。  
**戊**

辰王在新邑烝祭歲文王騂牛一武王騂牛一王命作冊逸祝冊惟告周公其後王賓殺禋咸格王入太室裸

此下史官記祭祝冊詰等事以附篇末也戊辰十二月之戊辰日也是日成王在洛舉烝祭之禮曰歲云者歲舉之祭也周尚赤故用騂宗廟禮太牢此用特牛者命周公留後於洛故舉盛禮也逸史佚也作冊者冊書也逸祝冊者史逸為祝冊以告神也惟告周公其後者祝冊所載更不他及惟告周公留守其後之意重其事也王賓猶虞賓祀宋之屬助祭諸侯也諸侯以王敘姓禋祭祖廟故咸至也太室清廟中央室也裸灌也以圭瓚酌秬鬯灌地以降神也仁山金氏曰此音釋經戊音茂成王祭告文武以周公留後治洛也反陸又之又傳裸灌也孔疏云以圭瓚酌鬯之酒以反裸古玩反獻尸尸受祭而灌於地因奠不飲謂之

裸瓚才旱才贊二反。柜鬯灌地。按柜米為酒名。柜鬯將祭則煮鬱和之。乃名鬱鬯。灌必用鬱鬯。取其芳香。旁達以降神。郊特牲云。鬱合鬯。臭陰達於淵泉是也。**王命周公後作冊逸誥在十有**

**二月**逸誥者史逸誥。周公治洛留後也。在**惟周公誕保**

**文武受命惟七年**

張氏曰公輔成王大保文武所受天命至此為七年矣。陳氏櫟曰此三節

史臣記王在洛以留公在後治洛之事。祭告文武及命公也。戊辰先儒謂七年十二月晦日。唐孔氏推之謂此歲三月丙午。壯閏九月辛未朔。小則十二月三十日。戊辰晦。周十二月建亥之月也。其言良是。上言逸祝冊告文武之冊也。下言作冊逸誥。告命周公之冊也。重其事。故既廟祭而冊祝。先王又因廟祭而冊命。周公也。前言戊辰而結以在十有二月。明戊辰為十二月之戊辰。言十二月而繼以惟周公誕保文武受命。惟七年。明十二

月為此七年之十二月也此乃古史紀載倒文法也惟七年有二說今從張氏者按禮記云七年致政於成王王肅於金縢篇未云武王年九十三冬十一月崩其明年稱元年周公攝政遭流言東征三年而歸制禮作樂出入四年六年而成七年營洛邑歸政成王武王崩時成王年已十三矣至是年二十王肅此說與記合七年始終鑿鑿可考葉吳七年而後公薨之說未見所據何苦捨有據之舊說而從此乎

### 多士

商民遷洛者亦有有位之士故周公洛邑初政以王命總呼多士而告之編書者因以名篇亦詰體也今文古文皆有吳氏曰方遷商民于洛之時成周未作其後王與周公患四方之遠監三監之叛於是始作洛邑欲徙周而居之其曰告朕來自奄大降爾四國民命我乃明致天罰移爾遐逃比事臣我宗多遜者述遷民之初也曰今朕作大邑于茲洛予惟四方罔攸賓亦惟爾多士攸

服奔走臣我多遜者言遷民而後作洛也故洛誥一篇終始皆無欲遷商民之意惟周公既誥成王留治于洛之後乃曰伋來毖殷又曰王伋殷乃承欽當時商民已遷于洛故其言如此愚謂武王已有都洛之志故周公黜殷之後以殷民反覆難制即遷于洛至是建成周造廬舍定疆場乃告命與之更始焉爾此多士之所以作也由是而推則召誥攻位之庶殷其已遷洛之民歟不然則受都今衛州也洛邑今西京也相去四百餘里召公安得捨近之友民而役遠之讐民哉書序以為成周既成遷殷頑民者謬矣吾固以為非孔子所作也金氏履祥曰此篇即召誥序所謂三月甲子周公乃朝用書命

**音釋傳**

叶去聲治平聲後言治洛並同  
庶殷者也  
覆芳六反場音亦更平聲舍音

捨

惟三月周公初于新邑洛用告商王士

此多士之本序也曰商王士者

貴之也 陳氏傳良曰三月周公相宅年之三月也

王若曰爾殷遺多士弗弔旻

天大降喪于殷我有周佑命將天明威致王罰勅殷命

終于帝

弗弔解見大誥旻天秋天也主肅殺而言言旻天大降災害而喪殷我周受眷佑之命奉將天

之明威致王罰之公勅正殷命之終于帝益推革命之公以開諭之也

音釋經

弔如字肆喪去聲

爾多士非我小國敢弋殷命惟天不畀允罔固亂弼我

我其敢求位

肆與康誥肆汝小子封同弋取也弋鳥之弋言有心於取之也呼多士誥之謂以勢

而言我小國亦豈敢弋取殷命蓋裁者培之傾者覆之固其治而不固其亂者天之道也惟天不與殷信其不

固殷之亂矣惟天不固殷之亂故輔我周之治而  
天位自有所不容辭者我其敢有求位之心哉  
音釋

經

弋音

傳

呼去聲治去聲下同

惟帝不畀惟我下民秉為惟天明

畏

秉持也言天命之所不與即民心之所秉為民心之所秉為即天威之所明畏者也反覆天民相因之理

以見天之果不外乎民之果不外乎天也詩言秉彜此言秉為者彜以理言為以用言也新安陳氏曰既曰惟天不畀又曰惟帝不畀既曰將天明威又曰惟天明畏反覆以天命之去留曉殷士而潛消其覬覦猜疑之

也私

音釋經

為如傳

見形

我聞曰上帝引逸有夏不適逸

則惟帝降格嚮于時夏弗克庸帝大淫泆有辭惟時天

罔念聞厥惟廢元命降致罰

引導逸安也降格與呂刑降格同陳氏大猷曰天心

仁愛人君常欲導之於安逸之地如所謂為善最樂作  
德日休即帝之引逸也桀乃不適於逸自趨於危呂氏  
曰上帝引逸者非有形聲之接也人心得其安則賡賡  
而不能已斯則上帝引之也是理坦然亦何間於桀第  
桀喪其良心自不適於安耳帝實引之桀實避之帝猶  
未遽絕之也乃降格災異以示意嚮於桀桀猶不知警  
懼不能敬用帝命乃大肆淫逸雖有矯誣之辭而天罔  
念聞之仲虺所謂帝用不臧是也廢其大命降致其罰  
而夏祚  
終矣

音釋經

嚮音向

傳

臺音尾

不倦

乃命爾先祖成

湯革夏俊民旬四方

旬治也

伊尹稱湯旁求俊彥孟子

遠邇旬治區畫成湯立政之大經也周公反覆以夏商  
為言者蓋夏之亡即殷之亡湯之興即武王之興也商  
民觀是亦可  
自反矣

音釋傳

治平

自成湯至于帝乙罔不明德



恤祀

月德者所以脩其身恤祀者所以敬乎神也

亦惟天丕建保乂有殷殷

王亦罔敢失帝罔不配天其澤

亦惟天大建立保治有殷殷之先王亦皆操存

此心無敢失帝之則無不配天以澤民也陳氏櫟曰罔敢失帝能體承上天不敢失其心也以帝則言之求之

太深

音釋傳

治平聲操舍刀反

在今後嗣王誕罔顯于天矧曰

其有聽念于先王勤家誕淫厥佚罔顧于天顯民祇

後嗣

王討也討大不明於天道況曰能聽念商先王之勤勞於邦家者乎大肆淫佚無復顧念天之顯道民之敬畏者也呂氏曰天也祖宗也民也自古帝王所共畏也紂不聽念先王罔顧天顯民祇三畏既除無所不至矣

音釋經

矧失恐反洪音逸

惟時上帝不保降若茲大喪惟天不

界不明厥德

大喪者國亡而身戮也商先王以明德而天丕建則商後王不明德而天不界矣陳

氏大猷曰德者得於天之所賦本未嘗不明明其德者人之所以盡乎天也故天界之不明其德者人之所以

棄乎天也

音釋經

喪去聲下章同

凡四方小大邦喪罔非有辭

于罰

凡四方小大邦國喪亡其致罰皆有可言者況商罪貫盈而周奉辭以伐之者乎

王若曰

爾殷多士今惟我周王丕靈承帝事有命曰割殷告勅

于帝

靈善也大善承天之所為也武成言祗承上帝以遏亂畧是也帝有命曰割殷則不得不戡定剪除

告其勅正之事于帝也武成言告于皇天后土將有大正于商者是也

惟我事不貳適惟

爾王家我適

上帝臨汝毋貳爾心惟我事不貳適之謂上帝既命侯于周服惟爾王家我適之謂

言割殷之事非有私心一於從帝而無貳適則爾殷王家自不容不我適矣周不貳于帝殷其能貳於周乎蓋示以確然不可動搖之意而潛消頑民反側之情爾然聖賢事不貳適日用飲食莫不皆然蓋所以事天也豈特割殷之事而已哉予其曰惟爾洪無度我不爾動自乃邑予亦

念天即于殷大戾肆不正

三監倡亂予其曰乃汝大為非法非我爾動變自爾邑猶

伊訓所謂造攻自鳴條也予亦念天就殷邦屢降大戾紂既死武庚又死故邪慝不正言當遷徙也董氏琮曰肆當作肆赦之肆下文有率肆矜爾則此當言赦其罪而不正治其餘黨也音釋傳倡音唱王

曰猷告爾多士予惟時其遷居西爾非我一人奉德不

康寧時惟天命無違朕不敢有後無我怨

時是也指上文殷大戾而

言謂惟是之故所以遷居西爾非我一人樂如是之遷徙震動也是惟天命如此汝母違越我不敢有後命謂有他罰爾音釋經母通傳落惟爾知惟殷先人有冊

有典殷革夏命

即其舊聞以開諭之也殷之先世有冊書典籍載殷改夏命之事正如是耳爾

何獨疑於今乎

音釋傳

載作代反

今爾又曰夏迪簡在王庭有服在

百僚予一人惟聽用德肆予敢求爾于天邑商予惟率

肆矜爾非予罪時惟天命

周公既舉商革夏事以諭頑民頑民復以商革夏事責周

謂商革夏命之初凡夏之士皆啓迪簡拔在商王之庭有服列于百僚之間今周於商士未聞有所簡拔也周公舉其言以大義折之言爾頑民雖有是言然予一人所聽用者惟以德而已故予敢求爾於天邑商而遷之

於洛者以冀率德改行焉予惟循商故事矜恤於爾而已其不爾用者非我之罪也是惟天命如此蓋章德者天之命今頑民滅德而欲求用得乎

**音釋傳**

復扶又反行胡孟反

**王曰多士昔朕來**

**自奄予大降爾四國民命我乃明致天罰移爾遐逝比**

**事臣我宗多遜**

降猶今法降等云者言昔我來自商奄之時汝四國之民罪皆應死我大降爾

命不忍誅戮乃明致大罰移爾遠居于洛以親比臣我宗周有多遜之美其罰蓋亦甚輕其恩固已甚厚今乃有所怨望乎詳此章則商民之遷固已久矣金氏曰此即多方篇所謂王來自奄我惟大降爾四國民命者陳氏大猷曰此奄與淮夷三監同助武庚以叛周公東征一舉而誅四國獨言來自奄者伐奄在後誅奄即來也四國殷管蔡霍也

**音釋經**

奄字書作邲古通用衣檢反又衣廣反陸氏於此及左傳孟子皆無音說

文衣檢反註周公所誅奄國廣韻音同註國名玉篇烏檢反註周所伐商奄也獨廣韻又音史炎反朱子孟子

集註但音淹而無傳應平王曰告爾殷多士今予惟不

爾殺予惟時命有申今朕作大邑于茲洛予惟四方罔

攸賓亦惟爾多士攸服奔走臣我多遜以自奄之命為初命則此命為

申命也言我惟不惡爾殺故申明此命且我所以營洛者以四方諸侯無所賓禮之地亦惟爾等服事奔走臣

我多遜而無所處故也詳此章則遷民在營洛之先矣吳氏曰來自奄稱昔者遠日之辭也作大邑稱今者近

日之辭也移爾遷逃比事臣我宗多遜者期之辭也攸服奔走臣我多遜者果能之辭也以此人知遷民在

前而作洛音釋傳處上爾乃尚有爾土爾乃尚寧幹止

在後也

幹事止居也爾乃庶幾有爾田業庶幾安爾所事安爾所居也詳此章所言皆仍舊有田土居止之辭信商民之遷舊矣孔氏不得其說而以得反爾克敬天惟畀矜所生釋之於文義似矣而事則非也

爾爾不克敬爾不啻不有爾土予亦致天之罰于爾躬

敬則言動無不循理天之所福吉祥所集也不敬則言動莫不違悖天之所禍刑戮所加也豈特竄徙不有爾土而已哉身亦有所不能保矣音釋經音施今爾惟時宅爾邑繼爾居

爾厥有幹有年于茲洛爾小子乃興從爾遷

邑四井為邑之邑繼

者承續安居之謂有營為有壽考皆于茲洛焉爾之子孫乃興自爾遷始也夫自亡國之末裔為起家之始祖頑民雖愚亦知所擇矣音釋傳四井為邑周禮地官司徒九夫為井四井為邑註四井方二里也夫

音扶

王曰又曰時予乃或言爾攸居

王曰之下當有闕文以多方篇末王曰人

曰推之可見時我或有所言皆以爾之所居止為念也申結上文爾居之意

無逸

逸者人君之大戒自古有國家者未有不勤而興以逸而廢也蓋戒舜曰罔遊于逸罔

淫于樂舜大聖也蓋猶以是戒之則時君世主其可忽哉成王初政周公懼其知逸而不知無逸也故作是書以訓之言則古皆必稱商王者時之近也必稱先王者王之親也舉三宗者繼世之君也詳文祖者耳目之所逮也上自天命精微下至畎畝艱難閭里怨詛無不具載豈獨成王之所當知哉實天下萬世人主之龜鑑也是篇凡七更端周公皆以嗚呼發之深嗟求歎其意深遠矣亦訓體也今文古文皆有張氏曰周召之於成王所陳在敬所戒在逸蓋敬則不逸逸則不敬敬逸之分而



歷年之延否享國之壽夭判焉召公以歌陳於  
前周公以無逸戒於後不如是不足以為周召音

釋經

無史記

傳

更平聲  
樂入聲

周公曰嗚呼君子所其無逸

所猶處所也君子以無逸為所動靜食息無不在是

馬作輟則非  
所謂所矣

音釋傳

處去聲朱子語錄云此句恐有脫字

先知稼穡之艱

難乃逸則知小人之依

先知稼穡之艱難乃逸者以勤居逸也依者指稼穡而言小民

所恃以為生者也農之依田猶魚之依水木之依土魚無水則死木無土則枯民非稼穡則無以生也故舜自

耕稼以至為帝禹稷躬稼以有天下文武之基起於后稷四民之事莫勞於稼穡生民之功莫盛於稼穡周公

發無逸之訓而首及乎此有以哉陳氏大猷曰所其無逸知小民之依此一篇之綱領後篇言三宗文王及怨

晉之事皆反覆  
推明乎此也

相小人厥父母勤勞稼穡厥子乃不知

稼穡之艱難乃逸乃諺既誕否則侮厥父母曰昔之人

無聞知

不知稼穡之艱難乃逸者以逸為逸也俚語曰  
諺言視小民其父母勤勞稼穡其子乃生於榮

養不知稼穡之艱難乃縱逸自恣乃習俚巷鄙語既人  
誕妄無所不至不然則又訕侮其父母曰古老之人無  
聞無知徒自勞苦而不知所以自逸也昔劉裕奮農畝  
而取江左一再傳後子孫見其服用反笑曰田舍翁得  
此亦過矣此正所謂昔之人無聞知也使成王非周公  
之訓安知其不以公劉后稷為田舍翁乎陳氏大猷曰  
稼穡艱難固當先知而尤不易知以人情所易忽也視  
小人之子猶有不知而反以父母為無聞知者況成王  
生長深宮其能知乎  
故公深以此微動之

音釋經

相去聲諺  
疑戰反

傳

俚音里蔡胡  
慣反劉裕南

史宋高祖劉裕孫孝武帝駿壞高祖陰室起玉燭殿牀頭有土障壁上掛葛燈籠麻繩拂袁頭戴稱高祖儉素之德孝武不答獨曰田舍翁得此已為過矣

周公曰嗚呼我聞曰昔在殷王

中宗嚴恭寅畏天命自度治民祇懼不敢荒寧肆中宗

之享國七十有五年

中宗太戊也嚴則莊重恭則謙抑寅則欽肅畏則戒懼天命即天理

也中宗嚴恭寅畏以天理而自檢律其身至於治民之際亦祇敬恐懼而不敢怠荒安寧中宗無逸之實如此故能有享國求年之效也按書序太戊有原命咸人等篇意述其當時敬天治民之事今無所攷矣

音釋

經

嚴如字陸又魚檢反治平聲

傳

茂音

其在高宗時舊勞于外爰暨

小人作其即位乃或亮陰三年不言其惟不言言乃雍

不敢荒寧嘉靖殷邦至于小大無時或怨肆高宗之享

國五十有九年

高宗武丁也未即位之時其父小乙使久居民間與小民出入同事故於小民

稼穡艱難備嘗知之也雍和也發言和順當於理也嘉美靖安也嘉靖者禮樂教化蔚然於安居樂業之中也

漢文帝與民休息謂之靖則可謂之嘉則不可小大無時或怨者萬民咸和也乃雍者和之發於身嘉靖者和之達於政無怨者和之著於民也餘見說命高

音釋經

宗無逸之實如此故亦有享國永年之效也

亮陰音梁菴說見傳當去聲居樂音

說命篇雍於容反洛見形旬反

王舊為小人作其即位爰知小人之依能保惠于庶民

不敢侮鰥寡肆祖甲之享國三十有三年

史記高宗崩子祖庚立祖

廢崩弟祖甲立則祖甲高宗之子祖庚之弟也鄭玄曰高宗欲廢祖庚立祖甲祖甲以為不義逃於民間故云不義惟王所謂小人者皆指微賤而言非謂儉小之人也陳氏大猷曰保愛護也惠利澤也鰥寡非特保惠之又加敬焉獨舉三宗者以繼世之君享國最長也

自時厥後立王生則逸生則

逸不知稼穡之艱難不聞小人之勞惟耽樂之從自時

厥後亦罔或克壽或十年或七八年或五六年或四三

年

過樂謂之耽泛言自三宗之後即君位者生則逸豫不知稼穡之艱難不聞小人之勞惟耽樂之從伐性

喪生故自三宗之後亦無能壽考遠者不過十年七八年近者五六年三四年爾耽樂愈甚則享年愈促也凡人莫不欲壽而惡天此篇專以享年求不求為言所以開其所欲而禁其所當戒也金氏曰商三宗之無逸先

知稼穡之艱難也商修王之逸不知稼穡之艱難也惟不能稼穡之艱難故不能無逸故罔或克

壽

音釋經

肫都合友樂音洛

傳

惡去聲天於兆反

周公曰嗚呼厥亦惟

我周太王王季克自抑畏

商猶異世也故又即我周先王告之言太王王季能自謙

抑謹畏者益將論文王之無逸故先述其源流之深長也大抵抑畏者無逸之本縱肆怠荒皆矜誇無忌憚者之為故下文言文王曰柔曰恭曰不敢皆原太王王季抑畏之心發之耳陳氏失猷曰自猶自成自得之自克自者真能自用其力而人不與也抑者所以文王卑服下之也如制忿慾去奢悖皆是也畏敬畏也

即康功田功徽柔懿恭懷保小民惠鮮鰥寡自朝至于

日中昃不遑暇食用咸和萬民

卑服猶禹所謂惡衣服也康功安民之功田功

養民之功言文王於衣服之奉所性不存而專意於安  
養斯民也卑服蓋舉一端而言宮室飲食自奉之薄皆  
可類推徽懿皆美也昃日昃也柔謂之徽則非柔懦之  
柔恭謂之懿則非足恭之恭文王有柔恭之德而極其  
徽懿之盛和易近民於小民則懷保之於鰥寡則惠鮮  
之惠鮮云者鰥寡之人垂首喪氣賁予綢給之使之有  
生意也自朝至于日之中自中至于日之昃一食之頃  
有不遑暇欲咸和萬民使無一不得其所也文王心在  
乎民自不知其勤勞如此豈秦始皇衡石程書隋文帝  
衛士傳餐代有司之任者之為哉立政言罔攸兼于庶  
言庶微庶慎則文王又若無所事事者不讀無逸則無  
以知文王之勤不讀立政則無以知文王之逸合二書  
觀之則文王之音釋經仙傳音與綢給反足子遇反予  
所從事可知矣

音釋經

仙傳

音與綢給反足子遇反予

記始皇事無大小皆自決至以衡石量書日夜有程不  
中程不得休息傳餐隋文帝每臨朝或至日昃衛士傳

餐而食見唐太宗紀傳  
如字餐一作飧非是

文王不敢盤于遊田以庶邦惟

正之供文王受命惟中身厥享國五十年

遊田國有常制文王不敢

盤遊無度上不濫費故下無過取而能以庶邦惟政之  
供於常貢正數之外無橫歛也言庶邦則民可知文王  
為西伯所統庶邦皆有常供春秋貢於霸主者班班可  
見至唐猶有送使之制則諸侯之供方伯舊矣受命言  
為諸侯也中身者漢孔氏曰文王九十七而終即位時  
年四十七言中身身舉全數也上文崇素儉恤孤獨勤政  
事戒遊佚皆文王無逸之  
音釋經  
供音  
傳  
數雙遇反下  
實故其享國有歷年之永  
恭  
同橫歛並去  
聲送使去聲唐食貨志分天下之賦為三一曰上  
供二曰送使三曰留州使謂諸道節度觀察也

周公

曰嗚呼繼自今嗣王則其無淫于觀于逸于遊于田以



萬民惟正之供

則法也其指文王而言淫過也言自今以往嗣王其法文王無過于觀逸遊

田以萬民惟正賦之供上文言遊田而不言觀逸以天而包小也言庶邦而不言萬民以遠而見近也

音

釋經

觀如字傳又音貫

見形

無皇曰今日耽樂乃非民攸訓非

天攸若時人不則有愆無若殷王受之迷亂酤于酒德

哉

無與母通皇與遑通訓法若順則法也母自寬假曰今日姑為是耽樂也一日耽樂固若未害然下非民

之所法上非天之所順時人大法其過逸之行猶商人化受而崇飲之類故繼之曰母若商王受之沉迷酤于酒德哉酤酒謂之德者德有凶有吉韓子所謂道與德為虛位是也真氏曰前舉三宗後舉文王俾王知所法又舉紂俾王知所戒紂之惡無不有酤酒其最也人惟

泆酤于酒則心志昏亂雖死亡在前亦不知畏故公專

以此申戒也

音釋經

樂音

傳

行胡孟反

周公曰嗚呼我聞曰古之

人猶胥訓告胥保惠胥教誨民無或胥壽張為幻

胥訓誠

惠順詩誑張誕也變名易實以眩觀者曰幻歎息言古

人德業已盛其臣猶且相與誠告之相與保惠之相與

教誨之保惠者保養而將順之非特誠告而已也教誨

則有規正成就之意人非特保惠而已也惟其若是是

以視聽思慮無所蔽塞好惡取予明而音釋經張流

不悖故當時之民無或敢誑誕為幻也音釋經張流

同幻傳誑古況反好惡並去聲予音與此厥不聽人乃訓之乃變亂先

王之正刑至于小大民否則厥心違怨否則厥口詛祝

正刑正法也言成王於上文古人胥訓告保惠教誨之

事而不聽信則人乃法則之君臣上下師師非度必變

亂先王之正法無小無大莫不盡取而紛更之蘇先王之法甚便於民甚不便於縱侈之君如省刑罰以重民命民之所便也而君之殘酷者則必變亂之如薄賦歛以厚民生民之所便也而君之貪侈者則必變亂之厥心違怨者怨之蓄于中也厥口詛祝者怨之形於外也為人上而使民心口交怨其國不危者未之有也此蘇治亂存亡之機故周公懇懇言之真氏曰篇中有兩至于小大之語上言至于小大無時或怨下言至于小大民否則厥心違怨音釋否衛久反詛莊助反祝職救蘇皆為民而言反孔疏云以言告神謂之祝謂之神加殃傳更平聲省所景反周公曰嗚呼自殷王中

宗及高宗及祖甲及我周文王茲四人迪哲

迪蹈哲智也蓋子以

知而弗去為智之實迪云者所謂弗去是也人主知小人之依而或怨戾之者是不能蹈其知者也惟中宗高

宗祖甲文王允蹈其知

故周公以迪哲稱之 厥或告之曰小人怨汝詈汝則

皇自敬德厥愆曰朕之愆允若時不啻不敢含怒

詈罵言也

其或有告之曰小人怨汝詈汝則皇自敬德反諸其身不尤其人其所誣毀之愆安而受之曰是我之愆允若時者誠實若是非止隱忍不敢藏怒也蓋三宗文王於小民之依心識知之故不暇責小人之過言且因以察吾身之未至怨詈之語乃所樂聞是豈特止於隱忍含怒不發而已哉 音釋經詈力樂傳樂

洛 此厥不聽人乃或譎張為幻曰小人怨汝詈汝則信

之則若時不求念厥辟不寬綽厥心亂罰無罪殺無辜

怨有同是叢于厥身

綽大叢聚也言成王於上文三宗文王迪哲之事不肯聽信則小人

乃或誕變置虛實曰小民怨汝詈汝汝則聽信之則如是不能求念其為君之道不能寬大其心以誕誕無實之言羅織疑似亂罰無罪殺戮無辜天下之人受禍不同而同於怨皆叢於人君之一身亦何便於此哉大抵無逸之書以知小人之依為一篇之綱領而此章則申言既知小人之依則當蹈其知也三宗文王能蹈其知故其胸次寬平人之怨詈不足以芥蒂其心如天地之於萬物一於長育而已其悍疾憤戾天豈私怒於其間哉天地以萬物為心人君以萬民為心故君人者要當以民之怨詈為己責不當以民之怨詈為己怒以為己責則民安而君亦安以為己怒則民危而君亦危矣吁可不戒哉陳氏櫟曰末章承上章論處怨詈之道然召民和而使之無時或怨上也因怨言而自反次也以殺罰止怨而怨叢於身無次矣周公以怨詈等事寬廣君心而伸舒民氣其為

音釋經

緯必並反傳羅織唐武

臣等撰羅織經謂網羅無辜織成其罪芥蒂上音介  
下丑介反音與董同漢書註刺鯁也長上聲要平聲周

公曰嗚呼嗣王其監于茲

茲者指上文而言也無逸一篇七章章首皆先致其咎嗟

誅歎之意然後及其所言之事至此章則於嗟歎之外  
更無他語惟以嗣王其監于茲結之所謂言有盡而意

則無窮成王得無深警於此哉金氏曰胡氏大紀以無  
逸為周公絕筆之書考於君奭立政洛誥諸篇於成王

皆有冲濡之稱獨此篇不然故知其最後也董氏昂曰  
此篇學所其無逸以為之綱而分先知稼穡艱難與不

知艱難以為之目此一書之大旨也商三王先知艱難  
者也後王生則逸不知艱難者也周三王先知艱難者

也戒嗣王之觀逸遊田懼其不知艱難者也遠引古人  
恐不盡信故尤欲師文王懲商紂以耳目所及者為言

馬真萬世音釋經監音  
之龜鑑

君奭

召公告老而去周公留之史氏錄其告語為篇亦詰體也以周公首呼君奭因以君奭名

篇篇中語多未詳今古文皆有按此篇之作史記謂召公疑周公當國踐祚唐孔氏謂召公以周公嘗攝王政今復在臣位葛氏謂召公未免常人之情以爵位先後介意故周公作是篇以諭之陋哉斯言要皆為序文所誤獨蘇氏謂召公之意欲周公告老而歸為近之然詳本篇旨意通召公自以盛滿難居欲避權位退老厥邑周公反復告諭以留之耳熟復而詳味之其義固可見也陳氏大猷曰或謂周公去朝廷居洛邑而召公獨執政柄所以亦有去志以洛誥君陳諸篇攷之周公固居洛以化殷民以無逸蔡仲諸篇攷之則周公未嘗不在朝以輔成王意其往來鎬洛之間也方是時洛邑雖成而殷民尚未享四方雖定而天命人心猶未固此周公所以諄諄於留召公歟

音釋

經

與施隻反說文作爽唐張參五傳經文字作與從十從面從大

傳

吁去聲要平聲反復之復

腹音

周公若曰君奭

君者尊之之稱奭召公名也古人尚質相與語多名之

弗弔天降

喪于殷殷既墜厥命我有周既受我不敢知曰厥基永

孚于休若天棐忱我亦不敢知曰其終出于不祥

不詳者休

之反也天既下喪亡于殷殷既失天命我有周既受之矣我不敢知曰其基業長信於休美乎如天果輔我之誠邪我亦不敢知曰其終果出於不祥乎按此篇周公留召公而作此其言天命吉凶雖曰我不敢知然其懇惻危懼之意天命吉凶之決實主於召公留不留如何也

音釋經

弔如字喪去聲

嗚呼君已



曰時我亦不敢寧于上帝命弗永遠念天威越我民

罔尤違惟人在我後嗣子孫大弗克恭上下遏佚前人

光在家不知

尤怨違背也周公歎息言召公已嘗曰是在我而已周公謂我亦不敢苟安天命而

不求遠念天之威於我民無尤怨背違之時也天命民心去就無常實惟在人而已今召公乃忘前日之言翻然求去使在我後嗣子孫大不能敬天敬民驕慢肆侈遏絕佚墜文武光顯可得謂在家而不知乎

音釋

傳

背音

天命不易天難諶乃其墜命弗克經歷嗣前人

恭明德

天命不易猶詩曰命不易哉命不易保天難諶信乃其墜失天命者以不能經歷繼嗣前人之

恭明德也吳氏曰弗克恭故不能嗣前人之恭德遏佚前人光故不能嗣前人之明德

音釋

經易

時反 反 誠

在今予小子旦非克有正迪惟前人光施于我

沖子

吳氏曰小子自謙之辭也非克有止亦自謙之辭也言在今我小子旦非能有所正也凡所開導惟

以前人光大之德使益焜耀而付于沖子而已以前言後嗣子孫邊佚前人光而言也

音釋經施

智反 傳 焜胡

又曰天不可信我道惟寧王德延天不庸

釋于文王受命

又曰者以上文言天命不易天難諶此又申言天不可信故曰又曰天固不可

信然在我之道惟以延長武王之德使天不容捨文王所受之命也胡氏一桂曰此章大意謂今日天命人心

未為固成王之經歷未為深吾等當留而不當去也

公曰君奭我聞在昔成湯既

受命時則有若伊尹格于皇天在太甲時則有若保衡

在太戊時則有若伊陟臣扈格于上帝巫咸又王家在

祖乙時則有若巫賢在武丁時則有若甘盤

時則有若者言當其

時有如此人也保衡即伊尹也見說命太戊太甲之孫伊陟伊尹之子臣扈與湯時臣扈二人而同名也巫氏咸名祖乙太戊之孫巫賢巫咸之子也武丁高宗也甘盤見說命呂氏曰此章序商六臣之烈茲勉召公匹休於前人也伊尹佐湯以聖輔聖其治化與天無間伊陟臣扈之佐太戊以賢輔賢其治化克厭天心自其徧覆言之謂之天自其主宰言之謂之帝書或稱天或稱帝各隨所指非有重輕至此章對言之則聖賢之分而深淺見矣巫咸止言其又王家者咸之為治功在王室精微之蘊猶有愧於二臣也亡書有咸人四篇其又王家之實歟巫賢甘盤而無指言者意必又次於巫咸也蘇氏曰殷有聖賢之君七此獨言五下文云殷禮陟配天

豈配祀于天者止此五王而其臣偕配食于廟乎在武  
丁時不言傳說豈傳說不配食於配天之王乎其詳不  
可得而聞矣金氏曰此章承上章引商為証商六臣皆  
相初政者伊尹佐湯創王業而太甲初年政出伊尹若  
伊陟臣扈巫咸巫賢甘盤皆以世德舊臣相嗣王初政  
周公歷數諸賢特以發明嗣守之初必有世德受託之  
臣以釋召公之疑而留之至於武丁之相不言傳說而  
舉甘盤益盤初年之師保說後進之賢相此篇當成王  
初年勉留召公故但舉世德受託之相是以及甘盤而  
遺傳說耳說者不攷其時故不得其所言之意鄒季友  
云按商之六賢皆以舊臣相嗣君故周公引之  
為此以留召公若傳說則高宗所自舉故不及音釋經  
茂戌音傳見形甸反下並同說音悅問率惟茲有陳保乂

有殷故殷禮陟配天多歷年所

陟升遐也言六臣猶惟此道有陳列之功以保

又有殷故殷先生終以  
德配天而享國長久也

天惟純佑命則商實百姓王人

罔不秉德明恤小臣屏侯甸矧咸奔走惟茲惟德稱用

又厥辟故一人有事于四方若卜筮罔不是孚

佑助也  
實虛實

之實國有人則實孟子言不信仁賢則國空虛是也稱  
舉也亦秉持之義事征伐會同之類承上章六臣輔君

格天致治遂言天佑命有商純一而不雜故商國有  
人而實內之百官著姓與夫王臣之微者無不秉持

其德明致其憂外之小臣與夫藩屏侯甸矧皆奔走  
服役惟此之故惟德是舉用又其君故君有事於四

方如龜之卜如著之筮  
天下無不敬信之也

音釋經

實絕句屏必程及  
稱平聲辟必並反

傳

稱平聲夫  
音扶下同

公曰君奭天壽平格保乂有殷有殷嗣天

滅威今汝永念則有固命厥亂明我新造邦

呂氏曰坦然無

私之謂平格者通徹三極而無間者也天無私壽惟至平通格于天者則壽之伊尹而下六臣能盡平格之實故能保又有殷多歷年所至于殷紂亦嗣天位乃驟罹滅亡之威天曾不私壽之也固命者不墜之天命也今召公勉為周家久永之念則有天之固命其治效亦赫然明著于我新造之邦而身與國俱顯矣

**音釋傳**

三極易繫辭註三才也間去聲驟徂救反

公曰君奭在昔上帝

割申勸寧王之德其集大命于厥躬

申重勸勉也申勸武王之德而

集大命于其身也夏氏曰天初勸文王又勸武王故曰申勸如言天復命武王也金氏曰割申勸傳記引此作周田觀按周字蒙文割似害從害而多刀聲亦近似此當作害而音曷曷何也言上帝何為而申勸

武王之德集大命於其身哉

音釋傳

重儲用反

惟文王尚克修和我有夏

亦惟有若號叔有若閔天有若散宜生有若泰顛有若

南宮括

號叔文王弟閔散泰南宮皆氏天宜生顛括皆名言文王庶幾能修治爽和我所有諸夏者亦

惟有此五臣為之輔也康誥言一二邦以修無逸言用咸和萬民即文王修和之實也金氏曰此章承上章因

言文王四臣歷相武王以勉召公也

音釋經

夏玄雅反號郭獲反天於

傳

治平又曰無能往來茲迪彛教文王蔑德降于國人

無蔑

也夏氏曰周公前既言文王之興本此五臣故又反前意而言曰若此五臣者不能為文王往來奔走於此導迪其常教則文王亦無德降及於國人矣音釋經蔑莫周公反覆以明其意故以又曰更端發之音釋經結反

傳

為去聲  
更平聲

亦惟純佑秉德迪知天威乃惟時昭文王迪

見冒聞于上帝惟時受有殷命哉

言文王有此五臣者故亦如殷為天純佑

命百姓王人罔不秉德也上既反言文王若無此五臣為迪彛教則亦無德下及國人故此又正言亦惟天乃純佑文王蓋以如是秉德之臣蹈履至到實知天威以是昭明文王啓迪其德使著見於上履冒於下而升聞于上帝惟是之故遂

音釋經

見形甸反

傳

臣為去聲見開如字

救反下章同

武王惟茲四人尚迪有祿後暨武王誕將天威

咸劉厥敵惟茲四人昭武王惟冒不單稱德

驍叔先死故曰四人

劉殺也單盡也武王惟此四人庶幾迪有大祿其後暨武王盡殺其敵惟此四人能昭武王遂履冒天下天下



人盡稱武王之德謂其達聲教于四海也文王冒西土而已丕單稱德惟武王為然於文王言命於武王言祿者文王但受天命至武王方富有天下也呂氏曰師尚父之事文武烈莫盛焉不與五臣之列蓋一時議論或詳或略隨意而言主於留音釋經單與碑通傳與音今召公而非欲為人物評也

在予小子旦若游大川予往暨汝奭其濟小子同未位誕無我責收罔最不及者造德不降我則鳴鳥不聞

矧曰其有能格

小子旦自謙之稱也浮水曰游周公言承文武之業懼不克濟若浮大川罔知

津涯豈能獨濟哉予往與汝召公其共濟可也小子成王也成王幼冲雖已即位與未即位同誕大也大無我責上疑有缺文收罔最不及未詳者造德不降言召公去則者老成人之德不下於民在郊之鳳將不復得聞

其鳴矣況敢言進此而有感格乎是時周方隆盛鳴鳳在郊卷阿鳴于高岡者乃詠其實故周公云爾也收罔

易不及呂氏曰召公若收歛

音釋經

濟子計反句傳下

退藏罔勗勉成王之不逮

公曰嗚呼君肆其監于茲我受命無疆惟

休亦大惟艱告君乃猷裕我不以後人迷

肆大猷謀也

言周公歎息欲召公大監視上文所陳也我文武受命固有無疆之美矣然迹其積累締造益亦艱難之大者不可不相與竭力保守之也告君謀所以寬裕之道勿狹隘欲去我不欲後人迷惑而失道也呂氏曰大臣之位百責所萃震撼擊撞欲其鎮定卒甘燥濕欲其調齊槃錯棼結欲其解紆黷闇汚濁欲其茹納自非曠度洪量與夫患失乾沒者未嘗無翩然捨去之意況召公親遭大變破斧缺斨之時屈折調護心勞力瘁又非平時

大臣之比顧以成王未親政不敢乞身爾一旦政柄有  
歸浩然去志固人情之所必至然思文武王業之艱難  
念成王守成之無助則召公義未可去也今乃汲汲然  
求去之不暇其迫切已甚矣盍謀所以寬裕之道圖功  
攸終展布四體為久大規模使君德

**音釋經**

**傳**  
監音丁

計反撞傳江反齊才諧反勢敦文符分二反亂也紆商  
居神與二反闇與暗同汚音烏茹忍與如倨二反夫音  
扶乾沒上音千史記張湯為小吏乾沒註隨勢  
浮沉也唐蘇鶚云乾沒與陸沉同義斯干羊反公曰前  
人敦乃心乃悉命汝作汝民極曰汝明勗偶王在亶乘

茲大命惟文王德丕承無疆之恤

偶配也蘇氏曰周公與召公同受武王顧

命輔成王故周公言前人敦乃心腹以命汝召公位三  
公以為民極且曰汝當明勉輔孺子如耕之有偶也在

於相信如車之有馭也并力一心以載天命念文考之舊德以丕承無疆之憂武王之言如此而可以去乎金

氏曰此章述武王顧託之命

音釋經

乘平聲

傳

并去聲載作代反

公曰君告汝

朕允保奭其汝克敬以予監于殷喪大否肆念我天威

大否大亂也告汝以我之誠呼其官而名之言汝能敬以我所言監視殷之喪亡大亂可不大念我天威之可

乎畏音釋經

監音監喪去聲否部鄙反

傳

呼去聲

予不允惟若茲誥予惟

曰襄我二人汝有合哉言曰在時二人天休滋至惟時

二人弗戡其汝克敬德明我俊民在讓後人于丕時

戡勝

也戡堪古通用周公言我不信于人而若此告語乎予惟曰王業之成在我與汝而已汝聞我言而有合哉亦

曰在是二人但天休滋至惟是我二人將不堪勝汝若以盈滿為懼則當能自敬德益加寅畏明揚俊民布列庶位以盡大臣之職業以答滋至之天休母徒惴惴而欲去為也他日在汝推避後人于大盛之時超然肥遯誰復汝禁今豈汝辭位之時乎金氏曰朕允予不允二允字相應我所信者保與必能敬德與予監殷之蔭命念周天之威耳予固不信至於如此費辭音釋傳勝平自予惟曰以下釋召公所以欲去之意

同語牛據反復扶又反

嗚呼篤棐時二人我式克至于今日休我

咸成文王功于不怠丕冒海隅出日罔不率俾

周公復歎息言

篤於輔君者是我二人我用能至于今日休戚然我欲與召公共成文王功業于不怠大覆冒斯民使海隅日出之地無不臣服然後可也周都西土去東為遠故以日出言吳氏曰周公未嘗有其功以其留召公故言之

蓋叙其所已然而勉其所未至亦人所說而從者也陳氏大猷曰伐淮夷踐奄在此書後可見當時未能罔不率俾也右二章以

音釋傳

復扶又反覆敷救反說音悅

公曰君子不

惠若茲多誥予惟用閔于天越民

周公言我不順於理而若茲諄複之多誥

即予惟用憂天命之不終及斯民之無賴也韓子言畏天命而悲人窮亦此意前言若茲誥故此言若茲多誥周公之告召公其言

音釋傳

複音福

公曰嗚呼君惟乃知

民德亦罔不能厥初惟其終祇若茲往敬用治

上章言天命民

心而民心又天命之本也故卒章專言民德以終之周公歎息謂召公踐歷諳練之久惟汝知民之德民德謂民心之嚮順亦罔不能其初今日固罔尤違矣當思其終則民之難保者尤可畏也其祇順此誥往敬用治不

可忽也此召公已留周公飭遣就職之辭厥後召公既相成王又相康王再世猶未釋其政有味於周公之言也夫董氏鼎曰一書之中首言憂國之心非人所知次言天民可畏惟人是賴又次言殷先王與我文武得人

之助然文王時五人至武王時四人今又惟我二人而已君若求去豈我一人所能哉憂之深是以留之切留之切是以言之詳召公同功一體之人均有忠君愛國之心者也安得不油然而感愔然而留哉

音釋

經

治平

傳

諸烏含反相去聲下同夫音扶

蔡仲之命

蔡國名仲字蔡叔之子也叔後周公以仲賢命諸成王復封之蔡此其誥命之

詞也今文無古文有按此篇次叙當在洛誥之前

音釋傳

復扶又反

惟周公位冢宰正百工羣叔流言乃致辟管叔于商囚

蔡叔于郭鄰以車七乘降霍叔于庶人三年不齒蔡仲

克庸祇德周公以為卿士叔卒乃命諸王邦之蔡

周公位冢

宰正百工武王崩時也郭鄰孔氏曰中國之外地名蘇氏曰郭號也周禮六遂五家為鄰管霍國名武王崩成王幼周公居冢宰百官總已以聽者古今之通道也當是時三叔以主少國疑乘商人之不靖謂可惑以非義遂相與流言倡亂以搖之是豈周公一身之利害乃欲傾覆社稷塗炭生靈天討所加非周公所得已也故致辟管叔于商致辟云者誅戮之也因蔡叔于郭鄰以車七乘囚云者制其出入而猶從以七乘之車也降霍叔于庶人三年不齒三年之後方齒錄以復其國也三叔刑罰之輕重因其罪之大小而已仲叔之子克常敬德周公以為卿士叔卒乃命之成王而封之蔡也周公用佐成王食邑於圻內圻內諸侯孟仲二卿故周公用仲



為卿非魯之卿也蔡左傳在淮汝之間仲不別封而命  
邦之蔡者所以不絕叔於蔡也封仲以他國則絕叔于  
蔡矣呂氏曰象欲殺舜舜在側微其害止於一身故舜  
得以遂其友愛之心周公之位則繫于天下國家雖欲  
遂友愛於三叔不可得也舜與周公易地皆然史臣先  
書惟周公位冢宰正百工而繼以羣叔流言所以結正  
三叔之罪也後言蔡仲克庸祇德周公以爲卿士叔卒  
即命之王以爲諸侯以見周公盛然於三叔之刑幸仲  
克庸祇德則亟擢用分封之也金氏曰周公位冢宰正  
百工即古者百官總已以聽冢宰之禮也若明堂位及  
荀子漢志所音釋經辟毗亦反傳少失照反乘平聲倡  
言則誣矣音釋經乘去聲傳音唱從才用反圻與  
畿通淮汝之間孔傳云蔡本圻內國名取其名以名新  
國也杜預云武王封叔度於汝南上蔡胡徙新蔡昭侯  
徙九江下蔡鄭氏曰蔡仲封上蔡傳十八世至平侯徙  
新蔡皆隸蔡州又二世昭侯徙下蔡隸壽州別皮列反

見形旬反  
並音棘

王若曰小子胡惟爾率德改行克慎厥猷肆

予命爾侯于東土往即乃封敬哉

胡仲名仲循祖文王之德改父蔡叔之行

能謹其道故我命汝為侯於東土往就汝所封之國其敬之哉呂氏曰敬哉者欲其無失此心也命書之辭雖

稱成王實周公之意

音釋經

行胡孟反

爾尚蓋前人之愆惟忠惟孝爾

乃邁迹自身克勤無怠以垂憲乃後率乃祖文王之彝

訓無若爾考之違王命

蔡叔之罪在於不忠不孝故仲能掩前人之愆者惟在於忠孝

而已叔違王命仲無所因故曰邁迹自身克勤無怠所謂自身也垂憲乃後所謂邁迹也率乃祖文王之彝訓無若爾考之違王命上文所謂率德改行也陳氏櫟曰子能改父之惡而為善則孝矣為子而孝則為臣而忠

古人求忠臣於孝子之門是惟忠本於惟孝  
也克勤無怠以垂憲乃後即所謂邁迹自身音釋經無與

通母皇天無親惟德是輔民心無常惟惠之懷為善不同

同歸于治為惡不同同歸于亂爾其戒哉此章與伊尹申誥太甲之

言相類善固不一端而無不可行之善惡亦  
不一端而無可為之惡爾其可不戒之哉音釋經治平

聲慎厥初惟厥終終以不困不惟厥終終以困窮惟思也窮

困之極也思其終者所以謹其初也陳氏大猷曰仲率  
德改行能謹初矣尤當克勤無怠是在於惟厥終也

懋乃攸績睦乃四鄰以蕃王室以和兄弟康濟小民勉汝

所立之功親汝四鄰之國蕃屏王家和協音釋經蕃方  
同姓康濟小民五者諸侯職之所當盡也煩反

濟子傳

屏必

率自中無作聰明亂舊章詳乃視聽罔以

側言改厥度則予一人汝嘉

率循也母無同詳審也中者心之理而無過不及之

差者也舊章者先王之成法厥度者吾身之法度皆中

之所出者作聰明則喜怒好惡皆出於私而非中矣其

能不亂先王之舊章乎戒其本於已者然也側言一偏

之言也視聽不審惑於一偏之說則非中矣其能不

吾身之法度乎戒其徇於人者然也仲能戒是則我一

人汝嘉矣呂氏曰作聰明者非天之聰明特沾沾小智

耳作與不作而天人判焉陳氏大猷曰舊章常度則中

道所作內不變於己之私智外不變於人之私言則中

道立而侯

職盡矣

音釋傳好惡並去聲沾之廉

王曰嗚呼小子

胡汝往哉無荒棄朕命

飭往就國戒其毋廢棄我命汝所言也呂氏曰仲豈荒棄王命

者地之遠時之久敬或有音釋經無與  
時而替故於終復戒之

多方

成王即政奄與淮夷又叛成王滅奄歸作此  
篇按費誓言徂茲淮夷徐戎並興即其事也

疑當時煽亂不特殷人如徐戎淮夷四方容或有  
之故及多方亦誥體也今文古文皆有蘇氏曰大  
誥康誥酒誥梓材召誥洛誥多士多方八篇雖所  
誥不一然大略以殷人心不服周而作也予讀泰  
誓武成常怪周取殷之易及讀此八篇又怪周安  
殷之難也多方所告不止殷人乃及四方之士是  
紛紛焉不心服者非獨殷人也予乃今知湯以下  
七王之德深矣方殷之虐人如在膏火中歸周如  
流不暇念先王之德及天下粗定人自膏火中出  
即念殷先王如父母雖以武王周公之聖相繼  
撫之而莫能禦也夫以西漢道德比之殷猶硤硤  
之與美玉然王莽公孫述隗囂之流終不能使人

忘漢光武成功若建瓴然使周無周公則音釋傳

亦殆矣此周公之所以畏而不敢去也

費音秘粗坐五反夫音扶砥砮音武夫石次玉也  
魄五罪反豈牛刀反建瓴音賽零建瓴也瓴盛水  
瓶字見漢高祖紀

惟五月丁亥王來自奄至于宗周

成王即政之明年商奄又叛成王征滅之

杜預云奄不知所在宗周鎬京也呂氏曰王者定都天下之所宗也東遷之後定都于洛則洛亦謂之宗周衛

孔悝之鼎銘曰隨難于漢陽即宮于宗周是時鎬已封秦宗周蓋指洛也然則宗周初無定名隨王者所都而

名音釋經奄衣檢衣廉二反左傳註奄嬴姓國鄭玄云奄國在淮夷之北說文云在魯括地志云今

曲阜縣之奄傳難去聲周公曰王若曰猷告爾四國

多方惟爾殷侯尹民我惟大降爾命爾罔不知

呂氏曰先曰周

公曰而復曰王若曰何也明周公傳王命而非周公之命也周公之命誥終於此篇故發例於此以見大誥諸篇凡稱王若曰者無非周公傳成王之命也成王滅奄之後告諭四國殷民而因以曉天下也所正殷民故又專提殷侯之正民者告之言殷民罪應誅戮我大降審爾命爾宜無不知也陳氏櫟曰四國四方之國也東征初殷與三監為四國此時無之**音釋傳**復扶又反見形故泛指舊為殷諸侯而尹民者

洪惟圖天之命弗求寅念于祀

圖謀也言商奄大惟私意圖謀天命自底滅亡

不深長敬念以保其祭祀呂氏曰天命可受而不可圖則人謀之私而非天命之公矣此蓋深示以天命不可妄干乃多方一篇之綱領也下文引惟帝降格于夏夏商所以失天命受天命者以明示之

有夏誕厥逸不肯感言于民乃大淫昏不克終日勸于

帝之迪乃爾攸聞

言帝降災異以譴告桀桀不知戒懼乃大肆逸豫憂民之言尚不肯出諸

口況望其有憂民之實乎勸勉也迪啓迪也視聽動息日用之間洋洋乎皆上帝所以啓迪開導斯人者桀乃

大肆淫昏終日之間不能少勉於是天理或幾乎息矣況望有惠迪而不違乎此乃爾之所聞欲其因桀而知紂也厥逸與多士引逸不同者猶亂之為亂為治耳逸豫以民言淫昏以帝言各以其義也此章上疑有缺文

音釋傳

幾音機

厥圖帝之命不克開于民之麗乃大降罰

崇亂有夏因甲于內亂不克靈承于旅罔丕惟進之恭

洪舒于民亦惟有夏之民叨憤日欽劓割夏邑

此章文多未詳



麗猶日月麗乎天之麗謂民之所依以生者也依於土  
依於衣食之類甲始也言桀矯誣上天圖度帝命不能  
開民衣食之原於民依恃以生者一皆抑塞遏絕之猶  
乃大降威虐于民以增亂其國其所因則始于內孽蠱  
其心敗其家不能善承其衆不能大進於恭而大寬裕  
其民亦惟夏邑之民貪叨忿憤者則日欽崇而尊用之  
以殘害於其國也葉氏曰古者治獄以附罪為麗故秋  
官稱各麗其法以議獄訟開開明也不能明于民之附  
法者而大降之罰此說既與乃大降罰相貫音釋經麗  
又與下文慎厥麗乃勸厥民利用勸皆相應  
知反又郎計反附著也後厥傳度達各反天惟時求民  
麗同叨他刀反憤陟利反

主乃大降顯休命于成湯刑殄有夏

言天惟是為民求主耳桀既不能為

民之主天乃大降顯休命於成湯使為民主而伐夏殄  
滅之也呂氏曰曰求曰降豈真有求之降之者哉天下

無統渙散漫流勢不得不歸其所聚而湯之一德乃所謂顯休命之實一衆離而聚之者也民不得不聚於湯

湯不得不受斯民之聚是豈人爲之私哉故曰天求之天降之也陳氏大猷曰顯者明之至休者美之至桀既失君德天於是求民主故降顯休命于湯

音釋傳

是爲去聲

使刑殄有夏刑言伐其國殄言絕其緒

餘並如字渙呼亂反散先肝反漫莫半反殄徒典反緒象呂反統也

惟天不畀純乃惟以

爾多方之義民不克永于多享惟夏之恭多士大不克

純大義

明保享于民乃胥惟虐于民至于百為大不克開

民賢者也言天不與桀者大乃以爾多方賢者不克求于多享以至于亡也言桀於義民不能用其所敬之多士率皆不義之民上文所謂叨憤曰欽者同惡相濟大不能明保享于民乃相與播虐于民民無所措其手足

凡百所為無一能達上文所謂不克闢予民之麗者政  
暴民窮所以速其亡也此雖指桀多士爾殷侯尹民嘗  
逮事紂者寧不惕然內愧乎金氏曰此言夏桀之失民  
而夏所用之多士亦不為無罪蓋引之以責殷之多士  
也乃惟成湯克以爾多方簡代夏作民主簡擇也民擇  
湯而歸之

慎厥麗乃勸厥民刑用勸

湯深謹其所依以勸勉其民  
故民皆儀刑而用勸勉也人

君之於天下仁而已矣仁者君之所依也君仁則莫不  
仁矣陳氏櫟曰前後章兩麗字皆當作附麗刑法說慎  
厥麗謹其刑法之附麗也乃勸乃以勸民也所以其民  
受刑刑當其罪故亦用以勸也由明德以慎罰所以亦  
能用勸戮之釋之刑所當刑宥所當宥無不能用勸也  
慎厥麗與上文開于民之麗二麗字相照應一乃勸字  
生下文四勸字說上刑罰來皆相照應以附麗於法解  
麗字不可易矣陳氏櫟曰此段當在下文亦克用勸之

下以至于帝乙罔不明德慎罰亦克用勸

明德則民愛慕之謹罰則

民畏服之自成湯至于帝乙雖歷世不同而皆知明德謹其罰故亦能用以勸勉其民也明德謹罰所以謹

厥麗也明德仁之本謹罰仁之政也要囚殄戮多罪亦克用勸開釋無辜

亦克用勸

德明之而已罰有辟焉有宥焉故再言辟而當罪亦能用以勸勉宥而赦過亦能用以勸

勉言辟與宥皆足使人勉於善也

音釋經

要平聲說見康誥篇

傳

辟毗亦反當去聲

今至

于爾辟弗克以爾多方享天之命

呂氏曰爾辟謂紂也商先哲王世傳家法

積累維持如此今一旦至于汝君乃以爾全盛之多方不克坐享天命而亡之是誠可閔也天命至公操則存

舍則亡以商先王之多基圖之大紂曾不得席其餘蔭其亡忽馬危微操舍之幾周公所以示天下深矣豈徒

曰慰解之音釋經辟必傳操倉刀反舍鳴呼王若曰誥

告爾多方非天庸釋有夏非天庸釋有殷先言鳴呼而後言王若曰

者唐孔氏曰周公先自歎息而後稱王命以誥之也庸用也有心之謂釋去之也上文言夏殷之亡因言非天

有心於去夏亦非天有心於去殷下文遂言乃惟桀紂自取亡滅也呂氏曰周公先自歎息而始宣布成王之

誥告以見周公未嘗稱王也如此篇之始周公曰王若曰復語相承書無此體也至於此章先嗚呼而後王若

曰書亦無此體也周公居聖人之變史官豫憂來世傳疑襲誤蓋有竊之為口實矣故於周公誥命終篇換新

例二著周公實未嘗稱王所以音釋傳見形句反復音別嫌明微而謹萬世之防也

乃惟爾辟以爾多方大淫圖天之命屑有辭紂以多方之富大肆

淫佚圖度天命瑣屑有辭與多士言桀大淫佚有辭義  
同殷之亡非自取乎以下二章推之此章之上當有關

文  
音釋經

辟必

傳

度達各反

乃惟有夏圖厥政不集于享天

降時喪有邦間之

集萃也享享有之享桀圖其政不集于享而集于亡故天降是喪亂而俾

有殷代之夏之亡非自取乎

音釋經

喪去聲下章同間去聲

乃惟爾商後王逸

厥逸圖厥政不蠲烝天惟降時喪

蠲潔烝進也紂以逸居逸淫洎無度故其

為政不蠲潔而穢惡不烝進而怠惰天以是降喪亡于殷殷之亡非自取乎此上三節皆應上文非天庸釋之

語陳氏曰上逸過逸也下逸安逸也謂過於安逸猶言安其逸惟聖罔念作狂惟狂克

念作聖天惟五年須臾之子孫誕作民主罔可念聽聖通

明之稱言聖而罔念則為狂矣愚而能念則為聖矣紂雖昏愚亦有可改過遷善之理故天又未忍遽絕之猶五年之久須待暇寬於紂覲其克念大為民主而紂無可念可聽者五年必有指實而言孔氏牽合歲月者非是或曰狂而克念果可為聖乎曰聖固未易為也狂而克念則作聖之功知所向方太甲其庶幾矣聖而罔念果至於狂乎曰聖固無所謂罔念也禹戒舜曰無若丹朱傲惟慢遊是好一念之差雖未至於狂而狂之理亦在是矣此人心惟危聖人拳拳告戒豈無意哉陳氏櫟曰五年須暇不可強通宜缺之

音釋傳

音

冀幸也合音

天惟求爾多方大動以威開厥顧天惟爾

多方罔堪顧之

紂既罔可念聽天於是求民主於爾多方大警動以祿祥譴告之威以開發其

能受眷顧之命者而爾多方之衆皆不足以堪眷顧之命也

音釋傳

稷子綽反音與浸同左傳云吾

見赤黑之祲註妖氣也顏師古云陰陽氣相浸漸以成災祥

惟我周王靈承于旅克

堪用德惟典神天天惟式教我用休簡畀殷命尹爾多

方

典主式用也克堪者能勝之謂也德輶如毛民鮮克舉之言德舉者莫能勝也文武善承其衆克堪用德

是誠可以為神天之主矣故天式教文武用以休美簡擇畀付殷命以正爾多方也呂氏曰式教用休者如之

何而教之也文武既得乎天德日新左右逢原其思也若或起之其行也若或翼之乃天之所以教而用以

昌大休明者也非諄諄然而教之也此章深論天下向者天命未定眷求民主之時能者則得之孰有遏汝者

乃無一能當天之眷今天既命我周而定于一矣爾猶洶洶不靖欲何為耶明指天命而誓服四海姦雄之心

者莫切於是陳氏大猷曰可為神與天之主山川宗社之得其安三光寒暑之得其序皆人君有以主之金氏



曰商既不可念聽多方又罔堪顧惟我周王足以承天  
故命尹爾爾多方前日猶未定之天今日乃已定之天  
故下文責其  
音釋傳勝平聲輜音由鮮上聲洵  
非望之圖許拱反擊實涉反服也  
今我昌

敢多誥我惟大降爾四國民命

言今我何敢如此多誥我惟大降爾四國民

命舉其有過之恩而責其遷善之實也

爾昌不忱裕之于爾多方爾昌不

夾介乂我周王享天之命今爾尚宅爾宅畋爾田爾昌

不惠王熙天之命

夾夾輔之夾介賓介之介爾何不誠信寬裕於爾之多方乎爾何不夾輔

介助我周王享天之命乎爾之叛亂據法定罪則猶其宅收其田可也今爾猶得居爾宅耕爾田爾何不順我王室各守爾典以廣天命乎  
音釋經夾訖洽反傳諸音諸水  
此三節責其何不如也

記誇其宮而潛焉註云明其大逆不欲人復處之

爾乃迪屢不靜爾心未愛爾

乃不大宅天命爾乃屑播天命爾乃自作不典圖忱于

正

爾乃屢蹈不靜自取亡滅爾心其未知所以自愛邪

法欲圖見信于正者以為當然耶此四節責其不可如此也

我惟時其教告之我惟

時其戰要囚之至于再至于三乃有不用我降爾命我

乃其大罰殛之非我有周秉德不康寧乃惟爾自速辜

我惟是教告而誨諭之我惟是戒懼而要囚之今至于再至于三矣爾不用我降宥爾命而猶狃於叛亂反覆

我乃其大罰殛殺之非我有周持德不安靜乃惟爾自為凶逆以速其罪爾金氏曰教告之謂東征之前文告

之也戰要囚之謂東征之時俘囚之而不殺也至再至三而爾不用命故遷殛之此即多士篇所謂時其遷居西爾非我奉德不康寧者所謂昔朕來自奄予大降爾四國民命我乃明致天罰移爾遐逝者也

**音釋**

**經**要平聲說見康誥篇蔡傳云戒懼傳九反王曰嗚呼而要囚之則義與康誥傳異矣

**猷告爾有方多士暨殷多士今爾奔走臣我監五祀**

**監**

洛邑之遷民者也猶諸侯之分民有君道焉所以謂之臣我監也言商士遷洛奔走臣服我監於今五年矣不曰年而曰祀者因商俗而言也又按成周既成而成王即政成王即政而商奄繼叛事皆相因纔一二年耳今言五祀則商民之遷固在**音釋**經監古越惟有胥伯小作洛之前矣尤為明驗

**大多正爾罔不克臬**

臬事也周官多以胥以伯以正為名胥伯小大衆多之正蓋殷多士

按職於洛共長治遷民者也其奔走臣我監亦久矣宜相體悲竭力其職無或反側偷情而不能事也金氏曰此以下告遷洛之官也有方多士者三國之遺臣殷多士者武庚之遺臣也胥伯小大多正則周所置治教之職也臬的也今爾多士臣我三監以叛音釋經臬魚傳於今五年至此則當以王官為準的也

長上聲  
治平聲

自作不和爾惟和哉爾室不睦爾惟和哉爾邑

克明爾惟克勤乃事

心不安靜則身不和順矣身不安靜則家不和順矣言爾惟和哉者

所以勸勉之也和其身睦其家而後能協于其邑驩然有恩以相愛聚然有文以相接爾邑克明始為不負其職而可謂克勤乃事矣前既戒以爾尚不忌于凶德亦罔不克臬故以克勤乃事期之也

則以穆穆乃在位克閱于乃邑謀介

忌畏也穆穆和敬貌頑民誠可畏矣

然如上文所言爾多士庶幾不至畏忌頑民凶德亦則以穆穆和敬端處爾位以潛消其悍逆悖戾之氣又能簡閱爾邑之賢者以謀其助則民之頑者且革而化矣尚何可畏之有哉成王誘掖商士之善以化服商民之惡其轉移感動之機微矣哉金氏曰忌古音釋傳掖音文作暮欺也戒其反為凶德之人所欺誘音釋傳掖音

爾乃自時洛邑尚求力畋爾田天惟畀矜爾我有周惟

其大介賚爾迪簡在王庭尚爾事有服在大僚

爾乃自時洛邑

庶幾可以保有其業力畋爾田天亦將畀予矜憐於爾我有周亦將大介助賚錫於爾啟迪簡拔置之王朝矣其庶幾勉爾之事有服在大僚不難至也多士篇商民當以夏迪簡在王庭有服在百僚為言故此因以勸厲之也陳氏櫟曰此章專提起胥伯正告之介賚者介如佑賢輔德賚如錫之山川土田蓋連殷民時就拔其豪

俊為胥伯正以共長治之乃用其素所服習者此安集  
新民之要道故今特勸勵之使表率殷士殷民而躋于  
泰和音釋傳子音與朝王曰嗚呼多士爾不克勸忱我

命爾亦則惟不克享凡民惟曰不享爾乃惟逸惟頗大  
遠王命則惟爾多方探天之威我則致天之罰離逖爾

土

誥告將終乃歎息言爾多士如不能相勸信我之誥  
命爾亦則惟不能享上凡爾之民亦惟曰上不必修

矣爾乃放逸頗解大違我命則惟爾多士自取天威我  
亦致天之罰播流蕩析俾爾離逖爾土矣爾雖欲宅爾  
宅畋爾田尚可得我多方疑當作士上章既勸之以休  
此章則董之以威商民不惟有所慕而不敢違越且有  
所畏而不音釋經頗普未反遠如字探他王曰我不惟  
敢違越也含反離去聲又平聲

多誥我惟祗告爾命

我豈若是多言哉我惟敬告爾以上文勸勉之命而已

又曰

時惟爾初不克敬于和則無我怨

與之更始故曰時惟爾初也爾民至此苟

又不能敬于和猶復乖亂則自底誅戮毋我怨尤矣開其為善禁其為惡周家忠厚之意于是篇尤為可見呂氏曰又曰二字所以形容周公之惓惓斯民會已畢而猶有餘情誥已終而猶有餘語顧盼之光猶曄然溢於簡冊也又曰是又爾更端為善之一初也蓋孟殷民與紂同惡武王克紂是惟新之一初也不能而從三監之叛則既失此初矣遷洛又一初也復不能而屢迪不靜則又失此初矣今歸自踐奄而又為多方之誥丁寧反覆諭以時惟爾初之過一皆洗滌今之善當相與維新豈非又一初乎若又失此初不能敬以納民於和則求無可望矣但曰則無我怨而自取誅戮之音釋經無意隱然於不言之表周家忠厚何其至哉

母傳

更平聲復扶又反倦音  
泰盼匹覓反睥或輒反

立政

吳氏曰此書戒成王以任用賢才之道而其  
旨意則又上戒成王專擇百官有司之長如

所謂常伯常任準人等云者蓋古者外之諸侯一  
卿已命於君內之卿大夫則亦自擇其屬如周公  
以蔡仲為卿士伯冏謹簡乃僚之類其長既賢則  
其所舉用無不賢者矣葛氏曰誥體也今文古文  
皆音釋傳長上聲下同

周公若曰拜手稽首告嗣天子王矣用咸戒于王曰王

左右常伯常任準人綴衣虎賁周公曰嗚呼休茲知恤

鮮哉

此篇周公所作而記之者周史也故稱若曰言周  
公帥羣臣進戒于王贊之曰拜手稽首告嗣天子



王矣羣臣用皆進戒曰王左右之臣有牧民之長曰常伯有任事之公卿曰常任有守法之有司曰準人三事之外掌服器者曰綴衣執射御者曰虎賁皆任用之所當謹者周公於是歎息言曰美矣此官然知憂恤者鮮矣言五等官職之美而知憂得其人者少也吳氏曰綴衣虎賁近臣之長也葛氏曰綴衣周禮司服之類虎賁周禮之虎賁氏也

音釋經

二反責音奔鮮上聲傳帥音率長

古之人迪惟有夏乃有室大競籲俊尊上帝迪知忱恂于九德之行乃敢告教厥后曰拜手稽首后矣曰宅乃

事宅乃牧宅乃準茲惟后矣謀面用丕訓德則乃宅人

茲乃三宅無義民

古之人有行此道者惟有夏之君當王室大彊之時而求賢以為事天之

實也迪知者蹈知而非苟知也忱恂者誠實而非輕信也言夏之臣蹈知誠信于九德之行乃敢告教其君曰拜手稽首后矣云者致敬以尊其為君之名也曰宅乃事宅乃牧宅乃準茲為后矣云者致告以叙其為君之實也茲者此也言如此而後可以為君也猶臯陶與禹言九德之事謀面者謀人之面貌也言非迪知忱恂于九德之行而徒謀之面貌用以為大順於德乃宅而任之如此則三宅之人豈復有賢者乎蘇氏曰事則向所謂常任也牧則向所謂常伯也準則向所謂準人一篇之中所論宅俊者參差不齊然大要不出是三者其餘則皆小臣百執事也吳氏曰古者凡以善言語人皆謂之教不必自上教下而後謂之教也仁山金氏曰九德本臯陶所陳知人之目有夏君臣世守以為取人之法三宅亦夏諸大臣之總名商周亦世守之職名雖各不同而掌事掌民掌法事任則猶故也故

音釋經

荀恂行音

胡孟反傳復扶又反參差上初簪反  
又如字傳下初宜反要去聲語去聲  
桀德惟乃弗作往

任是惟暴德罔後夏桀惡德弗作往昔先王任用三宅而所任者乃惟暴德之人故桀以喪

亡無後亦越成湯陟丕釐上帝之耿命乃用三有宅克即

宅曰三有俊克即俊嚴惟丕式克用三宅三俊其在商

邑用協于厥邑其在四方用丕式見德辭也越者繼前之

自七十里升為天子典禮命討昭著於天下所謂陟丕釐上帝之光命也三宅謂居常伯常任準人之位者三

俊謂有常伯常任準人之才者克即者言湯所用三宅實能就是位而不曠其職所稱三俊實能就是德而不

浮其名也三俊說者謂他日次補三宅者詳宅以位言俊以德言意其儲養待用或如說者所云也惟思式法

也湯於三宅三俊嚴思而不正法之故能盡其宅俊之用而宅者得以效其職俊者得以著其才賢智奮庸登于至治其在商邑用協于厥邑近者察之詳其情未易齊畿甸之協則純之至也其在四方用丕式見德遠者及之難其德未易徧觀法之同則大之至也至純至大治道無餘蘊矣曰邑曰四方者各極其遠近而言耳諸家皆以陟字句絕陳氏大猷曰湯升天位大理治上帝之明命謂大治天下使事物昭然各當於理即丕釐上帝之命也

之耿

音釋經

字見如

嗚呼其在受德暨惟羞刑暴德之人

同于厥邦乃惟庶習逸德之人同于厥政帝欽罰之乃

俘我有夏式商受命奄甸萬姓

羞刑進任刑戮者也庶習備諸衆醜者也言紂

德強暴又所與共國者惟羞刑暴德之諸侯所與共政者惟庶習逸德之臣下上帝敬致其罰乃使我周有此

諸夏用商所受之命而奄甸萬姓  
音釋經  
雅反奄衣檢

焉甸者井牧其地什伍其民也  
反盡傳  
井牧周禮小司徒井牧其田野註云井牧者春秋傳所謂井衍沃牧隰臯是也田制一夫百畝

故百畝為夫九夫為井隰臯之地九夫為牧二牧而當一井以田有不易一易再易通率二而當一也什伍周

禮士師掌其民人之什伍人族師云五家為比十家為聯五人為伍十人為聯以受邦職以役國事亦越

文王武王克知三有宅心灼見三有俊心以敬事上帝

立民長伯  
三宅三俊文武克知灼見皆曰心者即所謂

克知三俊未任以事故曰灼見以是敬事上帝則天職

修而上有所承以是立民長伯則體統立而下行有所寄

人君位天人之兩間而俯仰無忤者以是也夏之尊帝

為屬屬有長伯如王制所謂二音釋經長上立政任人

準夫牧作三事

言文武立政三宅之官也任人常任也準夫準人也牧常伯也以職言故曰實

虎賁綴衣趣馬小尹左右攜僕百司庶府

此侍御之官也趣馬掌馬

之官小尹小官之長攜僕攜持僕御之人百司若司裘司服庶府若內府大府之屬也

音釋經此

荀傳

趣馬掌馬周禮校人掌王馬之政趣馬其屬也註云趣馬下士趣養馬者馬七十二疋立趣馬一人

趣此荀反長上聲

大都小伯藝人表臣百司太史尹伯庶常吉

士

此都邑之官也呂氏曰大都小伯者謂大都之伯小都之伯也大都言都不言伯小伯言伯不言都互見

之也藝人者卜祝巫匠執技以事上者表臣百司表外也表對裏之詞上文百司蓋內百司若內府內司服之

屬所謂裏臣也此百司蓋外百司若外府外司服之屬  
所謂表臣也太史者史官也尹伯者有司之長如庖人  
內饗膳夫則是數尹之伯也鍾師尹鐘磬師尹磬太師  
司樂則是數尹之伯也凡所謂官吏莫不在內外百司  
之中至於特見其名者則皆有意焉虎賁綴衣趣馬小  
尹左右攜僕以扈衛親近而見庶府以冗賤人所易忽  
而見藝人恐其或興淫巧機詐以蕩上心而見太史以  
奉諱惡公天下後世之是非而見尹伯以大小相維體  
統所係而見若大都小伯則分治郊畿不預百司之數  
者既條陳歷數文武之衆職而總結之曰庶常吉士庶  
衆也言在文武之廷  
無非常德吉士也

### 音釋傳

見形甸反下六見字並同  
長上聲諱惡去聲禮記王

制太史所掌執簡記奉諱惡註云諱先王  
名惡忌日若子卯治平聲歷數所矩反  
司徒司馬司

### 空亞旅

此諸侯之官也司徒主邦教司馬主邦政司空  
主邦土餘見牧誓言諸侯之官莫不得人也諸

侯之官獨舉此者以夷微盧烝三毫阪尹此王官之監其名位通於天子歟

者也夷微盧見經毫見史三毫蒙為北毫穀熟為南毫偃師為西毫烝或以為衆或以為夷名阪未詳古者險

危之地封疆之守或不以封而使王官治之參錯於五服之間是之謂尹地志載王官所治非一此舉其重者

耳自諸侯三卿以降惟列官名而無他語承上文庶常吉士之文以內見外也夫上自王朝內而都邑外而諸

侯遠而夷狄莫不皆得人以為官使何其盛歟仁山金氏曰此章連舉文武時事其官未必皆文王之官其人

則皆父王音釋經反音傳監古銜反見形甸反下並同所儲之人蒙北毫左傳註梁國蒙縣西

北有毫城城中有湯冢穀熟南毫輿地廣記南京應天府隋唐為宋州有穀熟縣即商之南毫湯所都也偃師

西毫漢志河南郡偃師縣即湯所居毫也按此乃帝嚳之故都而湯居之故小序云從先王居後盤庚所遷亦



此地也治平

文王惟克厥宅心乃克立茲常事司牧人

聲夫音扶

以克俊有德文王惟能其三宅之心能者能之也知之至信之篤之謂故能立此常任常伯用能

俊有德也不言準人者因上章言文王用人而申克知三有宅心之說故略之也

文王罔攸兼

于庶言庶獄庶慎惟有司之牧夫是訓用違

庶言號令也庶獄號令

訟也庶慎國之禁戒儲備也有司有職主者牧夫牧人也文王不敢下侵庶職惟於有司牧夫訓勅用命及違

命者而已漢孔氏曰庶獄庶慎文王罔敢知于茲

罔言

兼則猶知之特不兼其事耳至此罔敢知則若未嘗知其事蓋信任之益專也上言庶言此不及者號令出於君有不吝不知者故也呂氏曰不曰罔知於茲而曰罔敢知于茲者徒言罔知則是老莊之無為也惟言罔敢

欽定四庫全書

卷五

知然後見文王敬忌思不出位之意毫釐之辨學者宜  
精察之陳氏櫟曰上文雖及常事司牧人而不及準人  
庶獄即準人之事也此篇論三宅有全言之  
者有舉其二者有舉其一者參錯及之耳

音釋傳

見形

反亦越武王率惟救功不敢替厥義德率惟謀從容德

以並受此不丕基

率循也救功安天下之功義德義德之人容德容德之人蓋義德者有撥

亂反正之才容德者有休休樂善之量皆成德之人也  
周公上文言武王率循文王之功而不敢替其所用義  
德之人率循文王之謀而不敢違其容德之士意如號  
叔閔天散宜生泰顓南宮括之徒所以輔成王業者文  
用之於前武任之於後故周公於君奭言五臣克昭文  
王受有殷命武王惟茲四人尚迪有祿正猶此叙文武  
用人而言並受

嗚呼孺子王矣繼自今我其立政立事

此丕丕基也

準人牧夫我其克灼知厥若不乃俾亂相我受民和我

庶獄庶慎時則勿有間之

我者指王而言若順也周公既述文武基業之大歎息而

言曰孺子今既為王矣繼此以往王其於立政立事準人牧夫之任當能明知其所順順者其心之安也孔子

曰察其所安人焉廋哉察其所順者知人之要也夫既明知其所順果正而不他然後推心而大委任之使展布四體以為治相助左右所受之民和調均齊獄慎之

事而又戒其勿以小人間之使得終始其治此任人之要也民而謂之受者言民者乃受之於

**音釋**

經相去聲

**傳**馬於虔反夫音扶推通回反治去聲下同左右音佐佑

自一話一言我則末惟

成德之彥以乂我受民

末終惟思也自一話一言之間我則終思成德之美士以治我

所受之民而不  
敢斯須忘也

音釋傳

治平聲下  
章傳同

嗚呼予旦已受人之

徵言咸告孺子王矣繼自今文子文孫其勿誤于庶獄

庶慎惟正是人之

前所言禹湯文武任人之事無非至  
美之言我聞之於人者已皆告孺子

王矣文子文孫者成王武王之文子文王之文孫也成  
王之時法度彰禮樂著守成尚文故曰文誤失也有所  
兼有所知不付之有司而以已誤之也正猶廉誥所謂  
正人與宮正酒正之正指當職者為言不以已誤庶獄  
庶慎惟當職之人是治之下文言其  
勿誤庶獄惟有司之牧夫即此意

自古商人亦越我

周文王立政立事牧夫準人則克宅之克由繹之茲乃

俾乂

自古及商人及我周文王於立政所以用三宅之  
道則克宅之者能得賢者以居其職也克由繹之

者能紬繹用之而盡其才也既能宅其才以安其職又能繹其才以盡其用茲其所以能俾乂也歟陳氏櫟曰

立政下列三宅則並有立事字立政音釋傳紬音抽漢

下不列三宅則無立事字元是顯証音釋傳谷求傳云

燕見紬繹顏師古云紬讀曰抽紬繹者引其端緒也國則罔有立政用儉人不訓

于德是罔顯在厥世繼自今立政其勿以儉人其惟吉士用勩相我國家自古為國無有立政用儉利小人者

之狀也儉利小人不順于德是無能光顯以在厥世王當繼今以往立政勿用儉利小人其惟用有常吉士使

勉力以輔相我國家也呂氏曰君子陽類用則升其國於明昌小人陰類用則降其國於晦昧陰陽升降亦各

從其音釋經勩音邁勉傳毗連反晦與暗同今文子

文孫孺子王矣其勿誤于庶獄惟有司之牧夫

始言和我庶獄

庶慎時則勿有間之繼言其勿誤于庶獄庶慎惟正是又之至是獨曰其勿誤于庶獄惟有司之牧夫蓋刑者天下之重事挈其重而獨舉之使成王尤知刑獄之可畏必專有司牧夫之任而不可以已誤之也其克

詰爾戎兵以陟禹之迹方行天下至于海表罔有不服

以觀文王之耿光以揚武王之大烈

詰治也治爾戎服兵罷也陟升也禹

迹禹服舊迹也方四方也海表四裔也言德威所及無不臣服也覲見也耿光德也大烈業也於文王稱德於武王稱業各於其盛者稱之呂氏曰兵刑之大也故既言庶獄而繼以治兵之戒焉或曰周公之訓稽其所弊得無啓後世好大喜功之患乎曰周公詰兵之訓繼勿誤庶獄之後豈好獄之問尚恐一刑之誤況六師萬衆之

命其敢不審而誤舉乎推勿誤庶獄之心而奉克詰戎  
兵之戒必非得已不已而輕用民命者也仁山金氏曰  
古人詰兵蓋有國之常政軍伍藏於井甸陳法講於蒐  
狩射御習於鄉學巡邊四征寓於巡守會同但恐守文  
之主或自廢弛爾況其時淮  
奄未盡平故周公言及之

音釋經

詰

喫

傳

治平聲下  
同見形甸

反好去聲犴魚肝反又何干反  
野犬所以守獄故謂獄為犴

嗚呼繼自今後王立政

其惟克用常人

并周家後王而戒之也常人常德之人  
也臯陶曰彰厥有常吉哉常人與吉士

同實而異  
名者也

周公若曰太史司寇蘇公式敬爾由獄以長


我王國茲式有慎以列用中罰

此周公因言慎罰而以  
蘇公敬獄之事告之太

史使其并書以為後世司獄之式也蘇國名也左傳蘇  
忿生以溫為司寇周公告太史以蘇忿生為司寇用能

敬其所由之獄培植基本以長我王國令於此取法而有謹焉則能以輕重條列用其中罰而無過差之患矣董氏鼎曰周公復政成王而作立政以王政莫先於用人用人莫先於三宅三宅得人則百官皆得人而王政立矣公前日攝政猶無可言者今歸政留洛音釋傳邑心在王室豈容默乎此立政之書所以作也

名蘇公為武王  
司寇令平聲



書傳會選卷五